

神戸市外国語大学 学術情報リポジトリ

К а т и х и с и с ь . И л и Г л а с о м ь
У ч е н я . К о в с м ь б л г о в р н ы (м)
х р (с) т а н о м ь

メタデータ	言語: rus 出版者: 公開日: 2003-03-28 キーワード (Ja): キーワード (En): 作成者: [記載なし], [Author not found] メールアドレス: 所属:
URL	https://kobe-cufs.repo.nii.ac.jp/records/1035

This work is licensed under a Creative Commons Attribution-NonCommercial-ShareAlike 3.0 International License.



(1b)

КАТИХИСИСЪ.

Или Гласомъ Ученія.

Ко всѣмъ б̄лговѣрны(м) хр(с)тіаномъ

ПРЕДИСЛОВІЕ.

Катихисисъ есть слово греческа(го) языка. сказуетъ же ся на словенскую рѣчь оглашеніе, или Гласомъ ученіе <.> Вѣдомо же маеть быти. иже ап(с)ли и ихъ учіицы. не тако скоро и не та(к) лятве¹ о(т) еллинъ или о(т) жидовъ к вѣрѣ хр(с)товой приступующихъ, тайнами стыми служили. и окрестилъ убо петръ, и иншіи ап(с)тли. на днѣ сошествія стаго дха о(т) людей Иилевыхъ три тысящи, але умилившись ср(д)це(м) любезно пріемшихъ слово. Окрести(л) убо Філіппъ иже о(т) седми діаконъ прцы муринской каженика, или скопца але яже из муринской земли во Іерлімъ <.> || Поклонитися пріехавшаго и наболей чре(з) аггла показаннаго о(т) себе наученаго, и еще вѣру о хр(с)тѣ, иже есть снѣ бжїи и сповѣдавшаго. Окрести(л) петръ, еще корнѣліа. але онаго котора(го) млтвы и мл(с)тии взыдоша предъ бгомъ. онаго о которомъ Гла(с) бжїи в' Видѣнїи по три краты рече: Яже бгъ очистилъ есть ты не скверни[*] Онаго на

¹латве

котораго дхъ бжій видимымъ образомъ, еще научающу
 петръ напалъ. Окрестилъ ап(с)лъ павелъ и сила стража
 темничнаго в' филипусѣхъ. Яко первѣе ко ап(с)тломъ
 кающихся повѣделъ: Г(с)дѣе мои что ми подобаеть тво-
 рити да спасуся. они же рекоша ему: вѣруй въ г(с)да
 їиса хр(с)та. и гласта ему слово г(с)дне, еще яже первѣе
 понялъ ихъ в' домъ свой и омывъ ихъ раны. и иншіе.
 || [.....(2b 欠).....] || прибытку давалъ. стымъ мо- (3a)
 лился таковыя речи по обычаю заховал а на остатокъ на
 тое ся спущали. Ес[*] кто имѣлъ чтобы попомъ по душ[*]
 дабы тѣло на посвѣщенной земли[.]ложили. проводили.
 поминали. тр[*]т[*] девятины, полѣорочины. юрочины
 [*] години и години, иншіе таковыя [***] мысли чинили:
 для того именія [***] мѣста о(т)писывали в' мн(с)три, и
 буд[овали] цркви. надавали. або навывбудовал[и] доколы
 по тирионы, дискосы ризы. и[*] или болваны куповали.
 надѣваю[***] для таковыхъ справъ спасенія ц[***] бжія
 и живота вѣчнаго. Все т[*] [*]лва заты(м) в' цркви
 хр(с)тову дошло [*] прежній онъ стый обычай, кот[орый]
 ся первая цркви по повелѣнію [****] держала, допустили
 діаволу вы[***] а погибелный онъ плевель всѣя [***]
 <.> || Хр(с)то(с) бо рече: шедше научите вся Языки (3b)
 кр(с)тяще и(х). тїи же паки не толко не научаю(т) иже и
 сами мало правды знаю(т). и онымъ которые бы учити

хотѣли забраняють не иначе но яко пре(д) тымъ закон-
ники жидовскія. о нихъ же г(с)дѣ рече: Горе [в]амъ
законникомъ. яко взясте ключ(ч) [р]азумѣнїя: сами не
внидoste и хотящимъ возбранистe. Не надобно о то(м)
[м]ного писати. вси бо вѣдаемъ: како[в]ыхъ ннѣ учтлей
имѣемъ. вѣдаетъ [в]есь свѣтъ яко на свой степени
всту[п]ають. не тайно те же яко на нихъ [ст]оятъ и
справуются. Лучши есть [**]акати, нежели ихъ норovy
выписы[ва]ти. Она правая рѣчь, иже напра[***] ихъ
за правленїя в науцѣ или [***]итїи ждати. Лучше абы
каждый [х]ощетъ кто пропасть иншего себѣ [*]арства за
(4a) часу искалъ. а таковымъ || пастыре(м) покой да(л). тако
бо повелѣвае(т) г(с)дѣ Гдѣ ко апло(м) сеже естя всѣмъ
учтле(м) рече: вы есте соль земли. аще же со(л) обуяетъ
чимъ осолитесь. и и во что же будетъ и тому: точїю
да изсыпана будетъ вонъ, и попираема члки. Солью
бо называетъ всѣхъ учтлей. Яко бо соль закрѣпляетъ
что ею посолитися дабы не провоняло: тако и учтль
наказанїемъ и пученїемъ и напоминанїемъ укрѣпляетъ
люде о(т) дхонныя гнили. але есть ли того не чини(т),
повелѣваетъ г(с)дѣ вонъ его выкинути, и попоптати яко
со(л)[.] Естьли бы одурела, или силу свою утеряла.
Чого(ж) для непослушни есмы того повелѣнїя самого
сна бжїя знасте бы, не потреба сего слова мало важити:

Ма(т). Зач. і.

подинни бы есмо и на оное слово паметати: аще || Слепецъ (4b)
слепца водить. оба в' яму в'падутъ. Слышиши ли во-
злюбленный брате мой. иже ты са(м) г(с)пдъ остере-
гае(т). дабы еси в' яму не упа(л). в'паде(т) всяку иже
слепому себе водити допускае(т). Чого жъ для о(т)
таковыхъ слепцовъ не бѣжимъ. чему ся имъ водити
допускаемъ. Смилуйся уже кажды на(д) собою бга для.
Востани о(т) сна, уже пора осмотришься. довольно. Есмы
уже спали, коли есмо за справою сихъ слепцовъ ни в ба
знали. ни о спасеніи своемъ на чемъ лежитъ вѣдали,
нехай то былъ часъ гнѣва бжїяго, за грѣхи предковъ
нашихъ которыя за преданія, або лепей за сны, и стар-
ческія басни. взявши слово бжїе были опустили. мусило
такъ быти. и стїи бо ап(с)тли о то(м) прорекли, и на-
писали. наболей паве(л) || сосудъ избранный хр(с)т(в). (5a)
такъ и солуняномъ пишеть: После(т) рече бгъ дѣянїя
лсти вѣровати во лжу да судъ прїиму(т) вси, не вѣро-
вавшїи истиннѣ. но блгволиша неправду рас(т)мотрити.
моютися бголю(б)че <.> Естьли ся сїя речъ стаго ап(с)ла
мовлющихъ часовъ не збыла. Ап(с)лъ здѣ пише(т): Яко
бгъ имѣлъ послати дѣянїе лсти <,> Сїя лестъ чїя быти
мѣла. хйба она(го) которой: еще в раи родителей
нашихъ прел'сти. толко иже еву. о(т) бжїяго слова
о(т)велъ. иншимъ обыщае(м) прелстити ему нелзя.

доколе бо держится члкъ слова бжїяго: до туле заблудити не можетъ. Не гасить свѣщу, которою себѣ свѣтъ видитъ. по оному слову : свѣтилникъ ногамъ моимъ законъ твой, и свѣ(т) стезя(м) моимъ. а когда тое свѣщу погасить: може(т) всякій заблудитися яко слепецъ дороги рукою щупати. || Яко ап(с)тль повѣдаетъ: Прото пр(о)ркъ повѣдаетъ. аще не бы г(с)дъ саваоѣъ остави(л) на(м) сѣмени. Яко содома убо были быхо(м). сѣменемъ слово бжїе называетъ. тымъ обычаемъ діаво(л) прелщаетъ. вѣдаетъ бо иже скоро люди о(т)ступятъ слова бжїяго, уже все что онъ хочетъ то учинятъ для того и сихъ часовъ на тое былъ привелъ, иже слова бжїяго учителя не казали. зачимъ всякія слыя речи в' цркви силу взяли. Яко ннѣ бгъ мл(с)тивый ужалившись на(с) о(т)кры(л) намъ грѣшнымъ слово свое правдивое. и что днѣ значне о(т)крываетъ учтлей. ачколвекъ изредка посылаетъ. Прото годится и намъ всѣмъ мѣяться к тому самимъ. абы есмы тое не изреченныя мл(с)ти. благодарни были слово бжїе обема яко мовятъ рукама || приняли держали посему жили. и ины(х) к нему приводили. а иже жатва многа: дѣлатель мало: того для азъ недостоинъ о(т) стыя цркви служителей: наменши сїю книжку о(т) бж(с)твенны(х). писаній собрахъ и написа(х). дабы вси слова бжїя и истинны разумѣнія жаждущїи имѣли,

чого бы ся и сами учили, и дѣто(к) свои(х) научали.
знаю тое иже бы потреба сію науку достаточнѣ
выписати, иже такой часъ и пріумѣніе наше знесло. а
ве(д) же напотомъ[.] естли будетъ бжїя воля, можется
ширей в другое управити. наболей четвертая ча(ст) се
есть о сто(м) крщенїи, и о вечери сна бжїя. помыслити
можемъ опричную книжку выпустити. Мл(с)ть г(с)да
ншего їиса хр(с)та. со всѣми вѣрными. аминь. ||

Писанъ в' клецку по(д) лѣты воплощенїя г(с)да бга и (6b)
спса нашего їиса хр(с)та. афхв. Іунїа. і дня.

КАТИХИСИСЪ

для дѣтоку хр(с)тіанскихъ. языка рускаго. Коротко

Выложено.

ВОПРОСЪ.

Что еси ты.

О(Т)ВѢТЪ.

Члкъ есмь сотворенїе бжїе разумное, бгомъ по образу
его сотворенное.

ВОПРОСЪ.

Чесо ради г(с)дъ бгъ тебя сотворилъ.

О(Т)ВѢТЪ.

Недѣля того, абы без мене быти не могъ: але абыхъ его позналъ лубилъ. ему самому служилъ, а потомъ с нимъ навѣки жилъ.

ВОПРОСЪ.

Коя вѣры еси ты. ||

(7a)

О(Т)ВѢ(Т).

Хр(с)тіанскія вѣры есмь.

ВОПРО(с).

Почему ты еси хр(с)тіанинъ.

О(Т)ВѢ(Т).

Потому, яко вѣрую во х̄а. и кр(с)тился есмь во имя его.

ВОПРОСЪ.

Что виненъ имѣти хр(с)тіанинъ.

О(Т)ВѢТЪ.

Четыре рѣчи имѣти, и подле того жити имать. Первая законъ, или заповѣди. другая познаніе вѣры. третія мѣтва г(с)дня. четвертая тайны хр(с)товы.

ВОПРО(с).

Коліко есть заповѣдѣ б̄жіихъ.

О(Т)ВѢТЪ.

Десять. и для того е зовутъ десятословіемъ: по грече(с)ки декалагосъ.

ВОПРОСЪ:

Говори десять заповѣдѣ бжїихъ.

О(Т)ВѢТЪ.

Тако пишетъ моўсей, во второй книзѣ которую изходомъ зовутъ. ||

- а Рече г(с)дѣ бгъ вся слова сія. Азъ есмь г(с)дѣ бгъ твой. изведый тя из земли Егѳпетскїя из дому работы. да не буду(т) тебѣ бози инїи равзвѣ мене. (76)
- в Не сотвориши себѣ образа ни всякаго подобїя. Елика на нбси горѣ. и Елика на земли низу, и Елика в' водахъ по(д) землею. ни поклонишися имъ, ниже да послужиши имъ: азъ бо есмь г(с)дѣ бгъ твой. силенъ ревнивъ. о(т)даю грѣхи оцевы надѣти до третїяго и че(т)вертаго рода. который ненавида(т) мене. и творю мл(с)ть на(д) тысящми которыя мене любятъ. и заповѣди моя соблюдаю(т).
- г Не возмеша имени гѣ ба твое(го) во(т)ще. не очи(с)-ти(т) бо г(с)дѣ прїемлющи(х) имя его все.
- д Помни днь су(б)ботны стити его. ше(с)ть днїй дѣлати

будеши, [сотво]р[иши] вся дѣла своя. а седмый днь
су(б)бота г(с)да бга твоего. Не сотвориши вонь всяко||ва (3)
дѣла, ни ты, ни сынъ твой ни дочька твоя, ни паробокъ
твой, ни неволница твоя, ни скоть твой, ни пришлецъ
которыи межи воротъ твоихъ. Бо въ шести днии сътво-
рилъ бгъ небо и землю, морѣ и вся што въ нихъ, и
о(т)починулъ Бгъ въ седмый днь. Сѣго дѣля гдѣ днь
суботныйи блгославиль и посвятилъ его.

Чти оца твоего и матку твою, абы есь долго жилъ на е
земли, которую гдѣ богъ твой дасть тобѣ.

Не уби.

Не чужоложи.

Не кради.

Не посведчишь на ближного твоего свѣдства лживого.

(3v) Не похочешь дому ближного твоего <.> || Не похочешь [i]
жены ближного твоего, ни паробка его, ни осла его, ани
чогоколвѣ што естъ ближного твоего.

ПЫТАНЬЕ.

Для чого г(с)дѣ бгъ далъ закон или заповѣди свои?

О(Т)КАЗЪ.

Абы кажныи вѣдалъ што естъ грѣхъ, а што доброе
дѣло. Тако бо Апостолъ пишеть, Грѣха неразумехъ Зач: чд
точію закономъ. А на иномъ мѣстѣ рече, Закономъ поз- Зач: пд

нанье греха.

ПЫТАНЬЕ.

На сколько частѣи делиться десятеро приказанье?

О(Т)КАЗЪ.

На двѣ части самъ г(с)дь [роз]дѣлилъ заповѣди свои. 4
Бо чотыри заповѣди дал' [на]первои дощѣ каменной. А
шесть на дро[у]гои дощѣ.

ПЫТАНЬЕ.

Для чого такъ роздѣлилъ богъ заповед[и] свои?

О(Т)КАЗЪ.

Того для, абы есьмо по тому знали, шт[о] есьмо богу,
а што ближному повинни. б[о] насъ первая дощѣка тому
навчаеть, яко с[я] къ богу заховати маемъ. Другая пак[и]
указуеть, яко ближного любити потреб[а] <.>

ПЫТАНЬЕ.

Говори первую заповѣдь?

О(Т)КАЗЪ.

Не будешъ мѣти бого(в) чужихъ предо мною <.> ||

|| ПЫТАНЬЕ.

Чого потреба къ вырозуменью тое заповѣди?

4v

О(Т)КАЗЪ.

Хто хочеть заповѣди божіе достаточне вырозумѣти, надобѣ ему чотыри рѣчи памѣтовати. Перѣвая рѣчь, што бгъ чинити велить. Другая чого заказуеть. Третья, яко тыхъ караеть которыи ему непослушнии. Четвертая рѣчь, яко оныхъ любить, которыи заповѣдеи его остерегаютъ. То есть, при каждой заповѣди знадобѣ памѣтати тые чотыри рѣчи. Добриє дѣла, грѣхи казни, и обѣтницы.

ПЫТАНЬЕ.

Яко маю тое розумѣти. Не будешь мѣти боговъ чужыхъ,
Чи ли много е(ст) боговъ,² ||

5

О(Т)КАЗЪ.

Боговъ нетъ многи(х) развѣи одинъ богъ, которому бы вси служити и на него ся надѣвати мѣли. Нижли люди опустивши бога, на иныи ся рѣчи надѣвають, а тако собѣ многие боги на сер(д)цахъ свои(х) чиняты. Бо у чомъ кто надѣжю маеть, тое богъ его есть. Яко естли кто надѣвается [на] маетьности, вже е собѣ на мѣстѣ божимъ поставиль. Прото Апостоль лихоиманіе або лако̀мство ідолослуженіемъ а лихоимца ідолослужителемъ називаетъ. По тому жь и о иныхъ розумеи. Яко

За(ч): скѣ

За(ч): свѣ

²богов?

За(ч): смѣ

кто бы ся на свою силу надѣвалъ, або на што инъшого. Тако жь она рѣчь есть чужїи богъ, для которе кто правдивого б̄га опускаеть. Для того Апо||столь на про- 5v
тивъ л̄живымъ учитѣлемъ пишючы, чрево ихъ богомъ называеть. Бо они только для чрева урядъ учительский на себѣ брали, а не для божиеи славы.

ПЫТАНЬЕ.

Скажи ми чого по насъ б̄гъ хочеть у томъ словѣ пер-
вомъ, або которые суть [до]брые дѣла того слова?

О(Т)КАЗЪ.

Тые суть добрые дѣла, кот[орые от] насъ г(с)дѣ б̄гъ хочеть у тои заповѣди [на]пер̄вѣи абы ес̄мо только его самого за бога мѣли, въ него вѣровали, упованіе и на-
дѣжю покладали. Потомъ его ся бояли, любили, взы-
вали, ему ся кланели. На остатокъ для него абы ес̄мо
вси рѣчи если бы к тому пришло, ради опускали. ||

ВОПРОСЪ.

(6)

Которые суть дѣла противу тому приказанью, кото-
рыхъ б̄гъ заказуеть?

О(Т)ВѢТЪ

Много есть грѣховъ на противу тому первому слову
или на волей тые которые суть на проти(в) вѣры и страха

бжїя. Яко первый грѣхъ нечестивы(х) епикурей, то есть
 оныхъ которые не вѣруютъ абы бгъ былъ або бы ся
 нами опекалъ. Другїй грѣхъ идолослужителе, то есть,
 которые або много бого(в) быти вѣруютъ, або створенїю
 яко створителю служатъ. Яко было у стары(х) еллинъ,
 которые людей славныхъ по смрти за боги имѣли, и
 онымъ молилися. Яко діаермію. аполлона, и иныхъ.
 (6v) опять те||перь в' том же блудѣ суть, которые ся стымъ
 уже усопшимъ молятся. Третїй грѣхъ есть жидовъ и
 всѣхъ Босурманъ, которые не такъ о бозѣ разумѣютъ, и
 не тако его исповѣдаютъ <.> Яко онъ самъ велѣлъ, или
 яко они собѣ вымыслили. Тое жъ разумѣй о еретика(х).
 Четвертый грѣ(х) волхвовъ. То есть чародѣйничковъ,
 которые бѣсомъ вѣруютъ. Пятый оныхъ которые бга къ
 певнымъ мѣстомъ яко бы привязуютъ помышляючи абы
 борзѣе на одномъ мѣсте выслухахъ нежели на другомъ,
 прощамн тое зовутъ. но противъ тому мнѣнію пр(о)ркъ
 Ісаїа пишеть повѣдаючи, иже бгъ вездѣ заровно члвкъ
 который ся каеть слыши(т). сице бо рече. Тако глаго-
 7 летъ г(с)дь, || небо престолъ мой а земля подножіе ногама
 моима, кїи храмъ соградите мнѣ : или кое мѣсто покоя
 моего: Все бо сотвори рука моя, и се е(ст) все мое глетъ
 г(с)дь. инакого возрю: но на смиренаго и мо(л)чаливого
 и трясущагося словесъ моихъ: Шестый грѣхъ противъ

Ісаїа ̄s
 Дѣа: ̄і

первому слову бжїему есть лицемѣрей. которые ся о(т) прав'ды бога и его суда не боятъ. Та же которые более бо(га)тества и тѣлесные сласти любятъ нежели бга. а пре(д)ся пре(д) людьми указуются побожными:

Седмый грѣхъ не уповати на бга а гиѣватися на него, яковъ былъ ц(с)рь їзраиль(с)кїи сауль:

Осмый разумѣти велми высоко о своей правдѣ, або справедливо(с)ти? Яко онъ || фарисей который в' млтвѣ правду

Лу(к) пѣ свою вычиталъ пре(д) бгомъ сими словесы. боже хвалу тебѣ воздаю, яко нѣсмь яко прочїи члцы, неправедницы, хишницы, прелюбодѣи, или яко сей мытарь, пощуся двократы в' субботу: Таковыи лицемѣри совито грѣша(т). Напередъ иже неправѣ розумею(т) судъ бжїи и ради тоя причины не о(т) правды ся бга боятъ, на(д) тое славу бжїю себѣ приписуть. прото хс своихъ тако учить: егда сотворите повелѣнна(я) вамъ. глите яко раби неключими або непотребни есмы, имже должны бѣхомъ сотворихомъ<.>

Девятый грѣхъ сомнитися а недовѣряти блгодати бжїей. или помышляти <я>||ко бы богъ о насъ не дбалъ, и о(т)пустити намъ грѣховъ не хотѣлъ. Таковъ былъ Каинъ, которые вѣрити не хотѣлъ абы ему бгъ о(т)пустити мѣлъ, иже брата своего убилъ. Тое жьи о їудѣ

Быт: д

Мат: кз

70

8

которыи Хрїста продалъ розумѣти маешь.

Десятый грѣхъ не терпѣти а не прїимати за вдячье што богъ допускаеть, або богу н<е>правду и немилость приписовати.

Одинна(д)цатыи грѣхъ не дѣбати о божїе слово, або ся его о(т)кинути або к воли люде(й) [*****] для страха, яко петръ учинилъ.

Двана(д)цатыи уповати на свою силу, мудрост[ь] [аб]о на иного што. Яко Сейна Хири(м)на с[вою] силу уфаючи хотѣлъ вывернути цар[с]тво Іудеиское. || Іса: лѣ

8v

ПЫТАНЬЕ.

Скажи яко богъ караетъ кто грѣшитъ напротивъ первому слову?

О(Т)КАЗЪ.

Наперѣви караетъ богъ помстою духовною. Яко Апостоль пишеть, иже ідолослужителіе цр(с)твія божїя не наслѣдять. Караетъ тѣже и здѣ богъ ідолослуже[ніе] голодомъ, войнами, моровымъ по[вѣтрї]емъ, полоненьемъ, и иными таков[ым] язвами. Яко у старимъ законѣ людъ Ізраилъскій часто каралъ богъ ни для чого толь[к]о для того, иже его опуцали, а чужимъ богомъ служили. И нынѣ все(х) хрїстіанъ скаралъ, некотори(х) За(ч): рлд

слепотою, иншихъ неволею [под]ъ Турецкимъ, або подъ
9 Аѣ[тихрі]стомъ Римскимъ. А || мусить такъ быти. Бо тако
богъ обѣцалъ даючи свое приказанье гдѣ рече. Я есмь
гдѣ Богъ твои крепокъ и ревнивъ, о(т)даваючи безако-
нна о(т)цевъ на чада до третьего и до четвертого роду
ненавидящимъ мене.

ПЫТАНЬЕ.

Што Богъ обѣцуетъ тѣмъ которыи тое заповѣди
остерегаютъ?

О(Т)КАЗЪ.

Яко на небожны(х) двоя помста, потомуже и тым ко-
торыи заповѣди стерегутъ двоя маеть быти заплата.
Одна вѣчная, а другая до часная. О вѣчной Хс тако
Мат: За(ч) ѿ рече, Аще хочешъ внити въ животь, заховай заповѣди.
А здѣ потомужь рече. Чиню милосердие надъ многими
тисѣчьми любящими мя и хранящими заповѣди моя. ||
Милосердие чинить Богъ на(д) нами, коли намъ грѣхи 9v
о(т)пускаеть. а изъ грѣшныхъ праведными чинить, абы
есмо достойны вѣчного живота были. А тые рѣчи суть
вѣчные заплаты. Лечь на(д)то и на симъ свѣте таковы(х)
Богъ не опускает, которыи его приказанья стѣрегуть ему
самому служатъ. Яко на прикладъ Даніиль, Іереміа, и
инъшихъ много.

ПЫТАНЬЕ.

Говори [втор]ую заповѣдь?

О(Т)КАЗЪ.

Вторая заповѣдь есть, Не учинишь собѣ образа, ани всякого уподобиа, которое есть на небеси высоко, и которое на земли низько, и которое [в] водахъ подѣ землею.

ПЫТАНЬЕ. ||

10 Яко тое маю розумѣти? Чи ли и собѣ чинити образа Богъ заказуетъ, чи ли только поганьскихъ кумировъ?

О(Т)КАЗЪ.

Наперѣви такъ розумѣти маешь, иже яко у перѣвой заповеди заказуетъ Бгъ дуѣховногo идолослужения, а собѣ дуѣховную службу зоставляетъ, тако въ второй заповеди, заказуетъ и тѣломъ образомъ служити. А на тое пытанье гдѣ еси пыталъ, естли бы только поганьски(х) балъвановъ чинити боронилъ г(с)дѣ, тако тобѣ о(т)казую, ижъ не только ложны(м) бого(м) образа Богъ чинити заказуетъ, але и собѣ, и аѣгеломъ и людемъ ачъ пакъ стымъ. Бо яснѣ рече, Ни всякого уподовиа. О чомъ
10v еще доводнеи вѣпяты(х) книгахъ тако запо||вѣдуеть Моисеи, Не видѣсте никакова уподобиа вѣ тои днѣ, егда глалъ к вамъ г(с)дѣ Богъ на горѣ Оривѣ о(т) среды оѣня,

Глав: д

да некогда прельщены учинили бы есте собѣ кумира, или уподобление мужеска пола, или женска, или образъ всякого звѣра иже на земли, или птицъ, или гадовъ. Бачишь ли што говорить Моисѣи? иже для того Богъ говорячи къ сыномъ Їсраиловымъ, не явился имъ ни въ одномъ какимъ образѣ, абы потомъ собѣ образовъ не чинили?

ПЫТАНЬЕ.

Нно³ на оныи часъ только жидомъ не годилося мѣти образовъ, понеже никакова образа божиа не видѣли, лечь потомъ сынъ божіи прише(д)ши и тѣло принявши бысть лю|демъ Богъ видимый, прото годиться намъ вже образы мѣти? 11

О(Т)КАЗЪ.

Правда есть иже ся бгъ сталъ видомый въ сыну своимъ. Бо и самъ Хс повѣдѣлъ къ филипу, Видѣвыи мене, видѣ о(т)ца, яко азъ въ о(т)ци и отѣць въ мнѣ есть. Лечь предъся оногo перъвогo заказанья не о(т)нялъ, ани о(т)ставлялъ, але болей потвердилъ гдѣ ко самаранынѣ рече, Жено вѣруи ми яко грядеть часъ, егда ни въ горѣ сеи, ни въ Їр(с)лимѣхъ поконите(ся) о(т)цу, А мало нижеи къ тои же жене мовить, Дхъ есть Богъ, и иже

Їоан: За(ч) вг

³Ино

кланѣются ему, дѣхомъ и истинною достоить кланѣтися.

Се видишь яко ѣ верховные рѣчи о(т)ставляетъ г(с)дѣ.

11v

Але абы есь вѣдалъ, иже и по || воплощенью сына божіа

не хочеть Богъ, абы ему образы чинены. прочти рѣчь

святого апостола Павла, которую мелъ къ Аѣиньски(м),

гдѣ межи иными словы тако рече. Богъ сътворивши

Дѣа: За(ч) м

миръ и вся яже в немъ, сеи небу и земли г(с)дѣ сѣи, не

в рукотвореныхъ храмѣхъ живеть, ни о(т) рукъ члѣкихъ

угоженіа пріемлетъ. Изъ которыхъ словъ явно естъ, иже

Апостолѣ не о ложнымъ яки(м) боуѣ говорить, але

о самомъ истиннымъ⁴ живымъ. Бо такъ рече, Богъ

сѣтворивши миръ, а предѣся ясне придалъ, иже тотъ богъ

угоженіа о(т) рукъ чловѣчихъ не пріемлетъ. Образы

пакъ або, якое зовуть, иконы што иного суть естъли не

12

угожение, то естъ служба, о(т) рукъ члѣвѣчихъ? Прото||

мало подалѣи тамъ же Павелъ мовить. Родъ убо суще

божїи, не должны есмо, не ѣщевати, злату и срѣбру или

домнимати

каменїю начертанїю хитрости и смышлению члѣка, Бога

быти подобна. Здѣ ясне видишь иже Апостолѣ самому

таки живому богу заказуетъ чинити уподобления, такъ

о(т) золота або срѣбра, яко о(т) камня и о(т) всѣе

чловѣческой хитрости. хотя жь пакъ вже тогда Хс

сынъ божїи принялъ былъ зракъ чловѣчи. Надъто, ачь

⁴истиннымъ

Богъ явилсяъ намъ въ сыну своемъ, лечь намъ образъ таковыхъ чинити не велѣлъ. Маемъ бо на томъ образѣ перестати которыи намъ Богъ подати рачиль. То есть на самомъ сыне божіимъ. Тои есть единый образъ божіи, которому ся кланѣти маемъ дѣхомъ и истинною. Ачьколье и Адамъ первыи по тому же образу былъ созданъ, але и тогды жь утратилъ заповѣдь божію проступивши.

12v

ПЫТАНЬЕ.

Што на тое о(т)кажешь што некоторіи говорятъ, якобы Хс̄ свои образъ црю Агварю послалъ?

О(Т)КАЗЪ.

Напервей на тое тако о(т)казую, иж о томъ ни одинъ евангелистъ не пишетъ. А чого у стом писмени не написано, а яко тому вѣрити кто можетъ? Не подобна бо рѣчь, абы такъ великого чюда стіи евангелисты не вспомянули, е(ст)ли бы такъ было, поневажъ и меншии речи припоминають. Ведаю теже яко о томъ Дамаскинъ написалъ, иже бы царь едескыи Агваръ, посылалъ иконописца ко Христу, абы его лицѣ написалъ, а коли деи иконикъ написати не могъ, самъ чусто Хс̄ взявши обрюсь къ лицу приложилъ, и тако образъ нерукотворейный учинилъ. Тако о томъ пишетъ Дамаскинъ, але на тое жадного

13

доводу не маеть, и самъ за непевную речъ пишеть. Прото
жь такъ не певнымъ рѣча(м) не годиться верити, яко и
Апѣль Тимоѣею пишеть рекучи, Старечьскихъ басенъ За(ч) сѣд
о(т)рицаися. На остатокъ естли бы кто дѣанію о Агваре
црю вѣрити хотѣлъ, ино бы подобней Евъсевію Кесаріи-
скому вѣрити, которіи былъ во три ста лѣтъ по Хрвомъ
вознесенію, нежли Дамаскину которыи вже былъ по
130 се(д)ми сотъ [дѣ]техъ. Лечь Евъсевіи || тое дѣаніе ши-
роко выписуючи не въспоминаетъ ни которы(х) обра-
зовъ, только листъ припоминаетъ которыи Хс къ Агварю
писалъ. А к тому яко стый Апѣль Ѳома посылалъ Ѳаддѣа
къ Агварю, которыи деи его възложеніемъ рукъ и молит-
вою злечилъ. О томъ знаидешъ у него въ первой книжѣ
церковного деаніа главу гї.

ПЫТАНЬЕ.

Еще некоторыи говорятъ, яко Лука Евангелистъ былъ
иконописецъ, иже бы иконы пречистой бгородицы писалъ?

О(Т)КАЗЪ.

Тое на стого Луку безвинне зложили иконопоклонницы,
абы такъ свои блудъ укрепили. Лечь напротиву имъ о
14 Луцѣ Апѣль стоитъ, повѣд[а]ючи ижъ врачъ былъ, || то
есть лекаръ, а не иконописецъ. Тако бо къ Коласаемъ
пишеть. Целуетъ вы Лука врачъ възлюбленныи. Еслибы За(ч): сѣд

Чти пре(д)сло-
вие въ Еванге-
лие о(т) Луки

Лука былъ иконописецъ никако бы того не замолчалъ Павель, яко и врачѣтва не минулъ, а иконописаніе далеко вышша рѣчь. Лечь не только стѣи Павель Аплѣ але и Софроніе потому же Луку врачомъ у его житию пишеть, а иконописаніа ни одно(м) словомъ не споминаеть.

ПЫТАНЬЕ.

Што намъ Богъ у тои заповѣди приказуетъ чинити?

О(Т)КАЗЪ.

Каждое приказанье двѣ рѣчи въ собѣ замыкаетъ. Первая што Богъ чинити велить. Другая чого заказуетъ. У тои || заповѣди гдѣ образѣ чинити боронить, там же
14v
ся и тое замыкаетъ, абы есмо образъ Бжїи чтили, то
есть кажного человекѣ. Бо тои естъ по образу Божїему
созданъ.

Быт: а

ПЫТАНЬЕ.

Чого намъ Богъ заказуетъ у томъ заказанью, або которые суть зла[я] дѣла противу того приказанья.

О(Т)КАЗЪ.

Напервѣи заказуетъ всяког[о] образа чинити предъ
которомъ бы ся або самъ або кто иньи кланель,

Тежь заказуетъ не только самому чинити, але хотя бы кто иньи учинилъ абы ся не кланель. А кто бы напро-
тиву тому чинилъ, такового дѣла суть тяжкие грѣхи. ||

ПЫТАНЬЕ.

Яко Богъ караетъ ты(х) онижебы тую заповѣдь проступали?

О(Т)КАЗЪ.

Яко первое заповѣди, тако и тое проступцы карани бываютъ и вѣчными и телесными муками. Скаралъ Богъ сыны Їзраилевы егда собѣ были учинили образъ яко теля, такъ иже иже ихъ убито одного дня три тисечи.

Иско(д): лѣ

а Кор: і

Скаралъ те же Соломона, иже о(т) сына его о(т)ступило десять колѣнъ сыновъ Їзраиливыхъ.

г Цар: вї

А опустивши старие казни, новую паменуимы, яко Богъ тяжко скаралъ цѣра Коѣстантина сына лѣова и матку его Ирину, на котори(х) розказанье наставляно || образовъ до храмовъ Божіихъ, и приказано ся имъ кланѣти. Бо наперѣи тая Їрина царица ослепила сына своего того жь Коѣстантина давъши оному очи вынять, А той опять напотомъ матку въ заточенье заслалъ. аже на остатокъ и самъ безъ потомства згинулъ. Зачимъ и Кесарство къ иному народу пришло.

Чти номока-
нонъ то есть
правило събо-
ра се(д)мого

15v

О томъ пишут
Платина и Ег-
натїи

ПЫТАНЬЕ.

Што пакъ обещуетъ Богъ тымъ онижебы ся образомъ не кланѣли, анибы ихъ чинили?

О(Т)КАЗЪ.

Яко проступающихъ и вѣчными муками и вревѣнными караетъ, тако опять чинячимъ по той заповѣди, и здѣ добромъ платитъ, и потомъ вѣчный животъ обещуетъ. 16

Яко на взоръ маемъ Езекию и Іосию цареи Іудеиски(х), которыхъ Богъ противу всѣхъ враговъ ихъ крепко боронилъ, иже тому приказанью досыть чинячи всякие балваны губили. такъ иже и оногo смѣя мѣдяного, которогo былъ Моисей по повѣленію Божіему учинилъ, егда се ему молити людъ почалъ, побожныи царь Езекиа съкрушилъ, хотяжъ онъ смѣи былъ образомъ сына Божіего г(с)да ншого Ісуса Ха. О томъ пакъ Езекии тако дхъ стыйи написалъ, На гда Бога уповалъ сеи царь Езекиа.

Числа ка

д. Цр иі

И протожъ по немъ не было ему ровного во всехъ царехъ Іудиныхъ. Но ни в тыхъ иже предъ нимъ были. Потомужъ и о Осии написано, иже ему подобныи црѣ || не былъ, которыи бы ся тако навратилъ къ г(с)ду Бгу. А тое для того дхъ святый написалъ, абы цари, князи, и иныи преложении вѣдали, иже тое на ихъ урядъ залежить, абы всякие балваны и ложные службы губили и выкореняли. Таковыхъ бы теперь по всѣхъ Рускихъ земляхъ вельми пилная потреба, гдѣ ся ідоѣ и розличныхъ балвановъ вже о(т) колыка сот лѣтъ такъ размножило, иже за ними и Бога людъ посполитый забылъ. Лечь о томъ иишого часу ширеи напишемо. 16v

ПЫТАНЬЕ.

Говори третѣе приказанье.

О(Т)КАЗЪ.

Не возьмешь имени гда Бога твоего воѣще, або напрасно. ||

17

ПЫТАНЬЕ.

Яко тое маю розумѣти?

О(Т)КАЗЪ.

Яко у первом словѣ даль намъ Богъ науку, яко маеть быти ншое сердце, а въ второмъ словѣ, яко и тѣлом ему самому служити вси повинни, Тако у томъ третіемъ словѣ навѣщаетъ насъ, яко языка своего маемъ къ чти его вживати. То есть, абы есмо по(д) заслоною имени Божіего, наше славы, пожитку и инныхъ⁵ таковы(х) речи не искали. А его самого абы есмо славили, зывали, и блгодарили.

ПЫТАНЬЕ.

Которое суть добрыя дѣла того приказанья, которые чинит маемъ?

О(Т)КАЗЪ. ||

⁵ИННЫХЪ

Наперѣеи есть взываніе, другое, блгодареніе или дякованье. Третѣе, выславленіе. Четвертое, исповѣданіе. Пятое навчаніе правды. Шостое, клятвы або присягы захованье. Тые суть добріе дѣла третьего слова.

170

ПЫТАНЬЕ.

Яко маеть Бога възывати?

О(Т)КАЗЪ.

Взывати Бога никто не можетъ естѣли бы перѣеи не позналъ сына его, иже есть единый ходотаи нашъ къ За(ч) спв Бгу о(т)цу. Бо егда человекъ хочетъ призывати Бога, за тогожь ему на память приходитъ недостойность его, а совесть или сумненье знаючи до себѣ грѣхи, не смеетъ уповати

на Бога, и того для его не призываетъ. Прото потреба (18) вѣдати, иже до до насъ Богъ ласкавъ и милостивъ Христа дѣля, и для него намъ грѣхи о(т)пускаетъ, и молитвы наши слышитъ. Тои бо есть нашъ единый Ереи, которыи з насъ недостойныхъ, чинитъ достойными и Богу любими.

ПЫТАНЬЕ.

Которые суть дѣла противу тому приказанью Божіему?

О(Т)КАЗЪ.

- а Наперѣви, не призывати $\overline{\text{бга}}$ часу потребы, и не блго-
дарити его.
- Призывати на помочь $\overline{\text{стыхъ}}$ вже усопъшихъ, и оныхъ б
ходотаими чинити, предъ Богомъ.
- Ложное ученіе сеяти, и того боронити, а правое ученіе г
(18v) гудити, хулити и || затирати,
- Не побожные службы Богу собою постановляти, или д
о(т) иного кого вымышленные держати.
- Правого ученія не исповѣдати. Наболей въ время го- е
нениа.
- Евангелиа $\overline{\text{стого}}$ не учити, кто бы на тое избранъ. з
- Часу незгоды въ Церкѣви правды не съзнати, естли бы з
на кого залежало.
- Тежь всякіе хулы на $\overline{\text{Бга}}$, суть противу того прика- и
занья. Яко есть слова Епикуреи, имиже неч(с)тивіи
осмѣвають $\overline{\text{Бга}}$ и слово его за басни осужають. Тежь Иско(д). е
руганія противу $\overline{\text{Бга}}$, яко слова фараона, Равсака, и д Цар: иі
фарісеи на $\overline{\text{Хса}}$ и на его $\overline{\text{Аплы}}$. Матѣ: ві
- 19 Еще слова которими розслабляется вѣра || в̄ немощныхъ, е
и мейшееть Божіа слава.
- Тежь и они тяжко грѣшять которыи словъ божествен- і
ныхъ, о(т) писма нового или вѣтхого завѣта, ко блазень-
ству в̄живають.

аі Тежь чародеиници и чародеиницѣ вѣдѣмы и ворожбыты противу того слова грѣшять, Хотяжь пакъ часомъ на ихъ шейтанье люди и скоть здоровы бывають.

ві Еще противу того приказанья суть кривые клятвы або присяги. Бо таковыи члвекъ именемъ божіемъ покриваетъ грѣхи свои.

А к тому поневажь кто кленеться свѣдѣкомъ собѣ призываетъ Бога, прото будетъ ли клятися криво, обидитъ славу Божію, Бо хочеть абы Богъ его неправдѣ || посвѣдѣчилъ. А еще кроме того, кто ся криво кленеть, за малую рѣчь судъ Божіи совѣ⁶ маеть. Бо кленеться абы его Богъ скаралъ естѣли бы неправду говорилъ, а самъ вѣдаетъ иже неправду кажетъ, а пре(д)ся гнѣву божіею на себѣ призываетъ, а потому знати, иже его ничимъ ставитъ. Бо естѣли бы ся гнѣва божіею боялъ, ино бы его притиву себѣ не призывалъ. Прото иже такъ много грѣховъ естъ въ кривой клятвѣ, повиненъ каждыи стеречи себѣ пильно, абы клятвамъ не повыкалъ.

19v

гі На остатокъ противу тому третиему слову суть зло-реченья и проклианья. Бо кто проклинаеть, призываетъ Бога противу его приказанья, абы человѣка ска||ралъ, которого Богъ любити велѣлъ. Яко той грѣхъ естъ великъ, обачишь естѣли и гараздъ вырозумѣешь иже не

(20)

⁶собѣ

можетъ быти самъ одинъ, але и иные грѣхи съ собою
тягнеть. Напервѣи кто проклинаеть не маеть въ учти-
вости Бга. Бо поменити Бга, есть его призывати. Богъ
пакъ маеть быти съ страхомъ и з великою учтивостию
призыванъ. Лечь проклинанья бывають ляда съ причины,
часомъ напрасно, часомъ изъ гнѣву безъ страха божіа
и учтивости его. Надъто, Не маеть Бога никто призы-
вати, абы кому шкодилъ, а кто проклинаеть для того
Бга воспоминаеть, абы зашкодилъ оному кого злоре-
чить. Лечь Богъ всѣхъ любити велѣлъ. Пророки ачь
(20v) неколи проклинають и злоречять, но толь|ко Хульнико(м)
и неч(с)тивымъ иже истинное ученіе и правдивую службу
не престаино гонили. Лечь мы такового пролкинанья
вобычаи брати не маемъ.

Кто бы тежь кому своимъ житиємъ або норовы взоръ
къ злomu подалъ [,] або о(т) вѣры правои о(т)вель, тои
противу тому второму слову грѣшитъ.

ПЫТАНЬЕ.

Годить ли ся челоуѣку хрїстианьскому присягати, чи
ли не?

О(Т)КАЗЪ.

Вже есмь повѣделъ иже ся того каждыи стеречи маеть
абы клятися не привыкал, але естли бы шло о славу

Божію, маеть хрїстїанинъ клятися именемъ Божиимъ.
Яко учинилъ Апостоль Павель, которыи || во второмъ 21
За(ч). по посланью къ коринѣомъ кленется тако. свидѣтеля на-
рицаю бга на душу мою. Потомужъ и авраавъ клял-
Бы(т). ді ся предъ црємъ содомскимъ. иже не мелъ взяти ничего
з маетности его, которую былъ о(т)нялъ, побивши пы-
ати царей, которїи звоевали были содомъ. еще те(ж)
Годится присягнути хрїстїанину, которому бы управѣ
За(ч). тді о великую рѣчь присягу присужано. Яко ап(с)тлько
евреомъ
пишетъ, иже всякому прекословію конецъ клятва. Лечь
тое для малыхъ речей быти не маеть.

ВОПРОСЪ.

Естьли ся годить присягати Хр(с)тїанину. для чого жъ
самъ хр(с)тосъ казуеть клятися, и небомъ и землею, и
Іеросалимомъ? ||

О(Т)ВѢТЪ.

Нетолко в тыхъ словехъ хр(с)товыхъ гдѣ клятися
наказуетъ множество людей, ачь паки и учоныхъ омы-
ляется, але и всее оное речи. которую хр(с)тосъ на
горѣ о законѣ учи не разумѣють. Во вси посполїте
такъ оную речь толкують. якобы хр(с)тосъ ветхаго за-
кона заповѣди на сторону о(т)кладалъ, а свои новые

заповѣди законилъ. Лечь хр(с)тось противу тому до-
 вниманью велми яснѣ тамъ же повѣдалъ. иже не при-
 шоль разорити закона. ча(с)то теже молилъ, иже со
 оѣомъ едино есть а о своей науцѣ повѣделъ тако: мое
 ученіе нѣсть мое, но пославшаго мя. с которыхъ словъ
 велми явна речъ, иже хр(с)тось ани о(т)ставлялъ. ани
 22 о(т)менялъ закона бжїяго. але || толко противу лживымъ
 толков[****] вырозуменье правое указалъ. [Про]тожь
 кто бы такъ разумѣлъ [***] хр(с)тѣ. якобы всякой клят-
 вы бор[о] нилъ, гдѣ повѣделъ неклятися[.] о(т)нюдъ.
 чинилъ бы таковой сна бж[i]яго оцу противнаго, чого
 и помышляти бже не дай. а яко бо хр(с)тос[ъ] едино со
 оѣемъ будетъ. естли б[ы] оныя заповѣди о(т)нялъ кото-
 рые б[ы] предалъ. законъ бжїй тако о кля(т)в[ѣ] пишетъ:
 г(с)да бга своего бойся. и тому единому да служиши,
 и имене[(м)] ся его да кленеши. а Хр(с)тось рече: не
 прїдохъ разорити закона. ино каждыи вже разумѣти
 можетъ. иже клятва если бы для бжїей славы або по-
 мочи ближняго. або очищенья се[б*] есть речъ слушная
 толко бы справедливая а иже хс клятвы не допускае(т),
 22v для тое || причины тако учинилъ. иже на онъ ча(с) жи-
 дове повыкли были клятва(м) на некоторыя створенья.
 за грѣхъ того не маючи. бо толко кривую клятву за
 грѣхъ мѣли. то паки хр(с)тось указуе(т) иже не одно

Ма(т). За(ч) аї

Іоа(н). За(ч)
ли и нс

Іоа(н). За(ч) кс

несправедливая клятва на б̄га, але и справедливая, хотя на створенные речи, если бы не необходимая, есть грѣхъ пред' б̄гомъ, а не есть тое слово хр(с)тово противу закона б̄жїяго. бо и законъ у томъ третїе(м) словѣ того жъ боронитъ гдѣ рече: Не возмещи имени г(с)да б̄га твоего, але прикладаетъ, вотще, абы кто клятвы в малую речь не ставилъ <.> А такъ годится хр(с)тіанину. естли бы иначе быти не могло, клятвы. або яко теперъ зовутъ. присяги вживати. яко для славы б̄жїей тако есть ли бы управѣ слушне || была сказана. для славы б̄жїи присягнулъ авраамъ павелъ и иншіи. а о той которую право судить. во изходѣ тако написано: аще кто дастъ другу сребро, или сосудъ захвати, и украдется из' дому мужа того, и обрящется украдый, да тяжеть сугубъ: аще ли не обрящется та(т) да прїидеть господинъ дому пред'судїю, и да ся кленеть. яко са(м) не скорыстовалъ. ту явне видишь яко не толко б̄гъ клятися допущаетъ, але часу потреби повелѣваетъ.

Гла(в). кѣ

23

ВОПРОСЪ:

На чїе имя маеть быти присяга.

О(Т)ВѢТЪ.

Вошло было теперешняго вѣку во обычай людемъ, иже не толко именемъ самого б̄га, але те(ж) || именемъ пречис-

23v

той с̄на б̄жїяго матки, и иныхъ с̄тыхъ клялися. Лечь той
 обычай, не толко есть сл̄й, але и нечестивый. есть бо
 клятва призываніе самого б̄га на свидѣ(л)ство. яко
 который вси р̄чи в̄даетъ. Лечь поневажь с̄тїй не
 в̄даютъ что ся с нами д̄бетъ. для того не есть речь
 пристойная. призывати оныхъ на свидѣ(л)ство <.> К
 тому клятва есть служба або поклонъ б̄гъ. если есть
 справедливая Служба паки б̄жїя есть его слава прото
 кто на с̄тыхъ присягаетъ. То(т) славу б̄жїю о(т) б̄га
 о(т)бераетъ. [а] оную с̄тымъ то есть твари о(т)дае(т).
 Противу чому самъ б̄гъ у пр(о)рка Исаїи тако рече:
 славы моя иному не дамъ. ни добродѣтели моя
 истуканны(м), а тако не маеть никто иначе присягати,
 то|лько на имя божїе. Яко написано, Г(с)а Б̄га твоего
 боися и тому единому да служиши и именем ся его да
 кленеши.

Исаїа. ̄҃҃

Исаїа. мд

Вторыи За: ̄

24

ПЫТАНЬЕ.

Што маеть пре(д) собою м̄ти ч̄лвекъ коли присягаетъ?
 Бо некоторые м̄вають образъ. на который руку кладуть,
 або и целуютъ.

О(Т)КАЗЪ.

Ачь тотъ былъ обычай си(х) теперешны(х) часовъ, иже
 кто присягалъ, клалъ руку на образъ, а потомъ и цело-

валь, нижели мы христіане не повинни есмо оны(х) обычаевъ держати, которіе суть противу слову божіему, или противу обычаемъ угони(д)ковъ божіихъ. Прото и въ присяганью мають христіане тои обычаи заховати, которыи або самъ Богъ указалъ, або стїи захова||ли. То пакъ стое писмо клятву або присягу самого бога, або коего стго выписуючи, часто воздвигеніе рукъ припоминаеть, а часомъ клятву воздвигеніемъ рукъ зоветь.

24v

Езекі: к

Яко у Езекіила Бгъ рече. глахъ къ дому йилеву въ пустыни, разлиати ярость свою на ня въ пустыни яко потребити я, и сътвори(х) якожь паче всего, да ся имя мое не осквернавитъ пре(д) странами изъ ни(х)же изведо(х) я пре(д) очима ихъ. Того дѣля воз(д)виго(х) руку мою на ня въ пустыни, да бы(х) не въвелъ ихъ до земли юже да(х) имъ. Што рече, Въздвиго(х) руку мою на ня, тако ся розумѣеть, якобы реклъ, Заклялъ ся есмъ. Потомужь въ пѣсни Моисѣве Богъ рече, Воздвигну на небо руку мою, и кленуся десницею моею. Здѣ значитъ || иже клянущіися мѣли тотъ обычаи по(д)няти въ небо руку. Тако Авраамъ клялся црю Содомъскому. Бо егда у него црѣ просилъ людеи, а иные вси речи, которыи былъ о(т) чотырехъ Царей о(т)нялъ, взяти ему велѣлъ, Авраамъ рече, Воздвигаю руку мою къ Гду Богу вышнему, владеющему небомъ и землею, яко не возму. Гдѣ

25

говорить, Воздвигаю руку мою, тако ся розумѣть,
якобы реклъ, Кленуся. А к тому сты(х)⁷ словъ
значиться иже кто ся клялъ, руку в небо вносилъ. А
не толико тако ввзор у старомъ завѣте е(ст) описанъ,
но и въ о(т)кровенью стго Іоанна о томъ обычаю тако
написано. Ангелъ егоже виде(х) стояща на морю и на
25v земли, воздвиже руку свою къ небу, и клял||ся живомъ
въ вѣки вѣкомъ. Обачи жъ а паметуи обычаи которыи
стое писмо и нового и старого завѣта похваляетъ. Нез-
наидешь бо ни на одмомъ месте, абы на образы, або
на што иного, кленущіися руки клали, але е въ небо
возносили. Прото и тепер не годиться ины(х) обычаевъ
вымышляти.

Потомужь и
у Дані: ві.

ПЫТАНЬЕ.

Што о томъ розумѣешь естли бы кто присягнулъ што
учинити, а потомъ бы обачилъ, иже онаа рѣчь есть про-
тиву слова Божіего, маеть ли тои для присягы оную
рѣчь дѣломъ исполнити, чи ли не маеть?

О(Т)КАЗЪ.

26 Кто з необаченья, або и нарокомъ, обещуеть што
не слушного учинити, а потомъ || ся каеть и не чинить
хотя молбою обещаь, тои единою только согрешилъ.

⁷сты(х)

Лечь кто для слюбу або клятвы, боячися ее нарушити,
противу закона чинить, того согрѣшенъе не е(ст) просто,
ψалм. ѿе але вже двояко. Бо ачь написано, Помолитесь и возда-

дите гдѣви, але тое розумѣти маемъ о побожнѣхъ молит-
вахъ, а не о безбожнѣхъ. О сихъ бо на иномъ мѣсте
ψало(м). ѿе тако пишеть, Богъ нехотѣи безаконїа ты еси. Безаконїе

есть всякаа рѣчь, которую противу закона божїа чин-
ишь, того, кажетъ, Богъ не хочеть. А иже безаконїа
Богъ не хочеть, чого деля ты безаконїе чинити маеть?

Матѣ: За(ч) ѿз
Мар: За(ч) ѿд

На взоръ маемъ Ирода цѣра, который клялъся Иродиади-
нои дочцѣ дати о штобы просила, а егда, навѣчена о(т)
матки, просила голо|вы стого пре(д)течи и кр(с)теля 26v
Іоанна, прошю што мѣль учинити Иродъ, мѣль ли
клятвѣ досытъ чинити? Домнимаю яко нѣтъ того, кто
бы не бачилъ, иже лепшеи было Ироду не одну клы-
атву, але и колько и(х) зрушити нежели стому человѣку
одну якую кривѣду учинити, не только животъ о(т)няти.
Прото и теперъ всякой клятвы нечестивой не маеть никто
выполнѣнати, але того серѣдечне жалобати, хочеть ли
въследъ Ирода не ити. За нечестивые пакъ клятвы оны
почитати маемъ, которїе суть, або противу божїа славы,
або своего спасенїа, або ближнего любви.

ПЫТАНЬЕ.

Яко деръжишь о иноцехъ или о дерв(с)теницѣхъ, кото-

27 рые молбою обещають девѣство ховати даже къ смерти?

О(Т)КАЗЪ.

О дѣвствѣ не годится зле розумѣти, понеже Апль пишеть, яко добро челоуѣку жене неприкоснутися, и к тому рече, Мню сее, разумеи дѣвство, потребно быти за насто-
ящую нужду. И самъ Хс похваляетъ каженики, иже сами себѣ казять цр(с)твіа нб(с)наго ради. А таковъ былъ Иліа, Іоаннъ, и прочіи. Лечь ся надобе стеречи, абы есмо теперешны(х) Иноковъ Мниховъ, и всехъ, которые чорною ризою дѣв(с)тво показываютъ, зъ оными давными не ровнали. Бо въ иныи обычаи перви они девицами были, нежели теперешніи. Сихъ бо держаться великие блуды, наболеи три. Первыи блудъ и(х) е(ст), иже въ томъ дѣвствѣ не || хотять жити тако свободне, але аже ся молбою обещавши. Того нигдѣ Хс не повелѣлъ. Іоаннъ у дѣвствѣ жилъ, але ся о немъ непишеть, абы тое за мольбою чинилъ. Потомуже Иліа. Апль много пишеть о дѣвахъ и юноша(х), але негдѣ жъ имъ не повелеваетъ обещатися на весь животоу тако жити, но паче ясне пишеть иже можетъ дѣва за мужъ ити, а не съгрѣшить. Тако бо рече, Аще посагнетъ дѣва, не съгрѣшила естъ. Лечь теперешніи дѣвственники тако розумеють, иже кто бы о(т)ни(х), молбу о(т)ставивши, бракъ принялъ той Іуды предателя горшыи е(ст). Но боятиса имъ потреба, абы не

За(ч): рлѣ

За(ч): рли

Мат: За(ч): оѣ

27v

о(т) оныхъ числа были, о которы(х) къ Тімоѳею тако
Аплъ пишетъ. Духъ же речію глешь, яко въ последныя ||
времена о(т)ступяты нѣціи о(т) вѣры вѣнимающе духо(м)
ль(с)тивымъ и ученіемъ бѣсовскимъ, въ лицемеріи ложь го-
ворящи(м), созженомъ своею съвестію, възбранеюшимъ
женитися, и свѣнитися брашенъ яже Богъ создана снѣ-
деніе съ блгодареніемъ вернымъ и познавшіимъ истину.
Возри пилно в тые слова стого дха, а обачишь о комъ
ся розумѣють. Явне во оны(х) о(т)ступники зоветь, ко-
торыи възбраняють женитися, тое пакъ възбраненіе уче-
ніемъ бѣсовскимъ нарицаеть. Еда ли ся тое mezi тепе-
решныхъ дѣвственниковъ не наидуетъ? Прото потреба
ся таковы(х) остерегати, Яко и Апостоль повелѣваетъ
такъ къ Коласаемъ пишучи, Никоторыиже ва(с) да не бес-
правды даеть хотя смиреномудріемъ, и въ службѣ аггъ-
стеи яже не видѣ уча, и прочая. Здѣ остерегаеть Аплъ
Коласаевъ абы ся прельстити не дали, ани смиреному-
дріемъ или покорою, ани службою аггскою, то есть,
дѣвствомъ. Яко и теперъ черънество ангельскимъ обра-
зомъ зовуть. Немного о томъ говорячи, стережися каж-
дыи тое сѣти, у которой дѣаболь⁸ многи(х) половилъ.
Добраа рѣчь е(с) дѣв(с?)ство, кому бы тои даръ Бгъ
мл(с)тивый далъ, але не надобѣ его обѣщати, но сво-

28

28v

⁸ дѣаволь

бодне в̄ нимъ Б҃гу служити, Яко есмъ на в̄зоръ указалъ
Іоан̄на крестителя. Тои не обещаючи девѣство заховалъ.
Есть бо велико небеспеченство обещати Богу, наболеи
29 чого кто не маеть въ своеи власти. Не иначеи т̄и чинять,
они же дѣвство Богу обещуютъ, || але ровне яко естѣли
бы кто клялъ ся николи не спати, або не ести. А што
бы тое было, хыба кусити Бога? чого намъ самъ Б҃гъ
заказуетъ мовячи, Не искусиши Гд̄а Б҃га твоего. Иску-
шаешь каждыи Б҃га, кто ся на(д) его приказаньей на(д)
свою силу чого догадываетъ а на себе кладеть. Яко тые
нинѣшнїи дѣвственници чинять, забывши што Давы(д)
рече, Волею пожру тебе, неволею пожрети Богу хотять.
За малое ся им̄ видить доброволне пребывати у девѣстве,
аже мольбою тое овещаютъ. Але яко тое исполняютъ не
надобѣ выписовати, понеже вси о томъ вѣдають. Мнѣ ся
такъ видить, ижбы не всѣмъ кривѣду онъ учинилъ, кто
бы оную речь Ап̄ла Пав̄ла на ни(х) привелъ, которую
29v о языцехъ къ Римляномъ пишеть тако. Предасть и(х)
Богъ въ вся похоти ср(д)ца и(х), в̄ неч(с)тому, досажати
въ телесѣхъ и(х) въ собѣ, и прочая. Прото мнимаю иже
не омылилъ ся есм̄, назвавши таковыя обещанїа сѣтью
дїавольскою, еуже многы(х) вже половилъ и дотуле ло-
вить. Наперѣвей бо къ тому и(х) приводить, аб[ы] обе-
щали, а потомъ абы боячися обетниц[ы] о(т)менити, въ

Втор: Зако(н).

ψло(м). н҃г

всякої неч(с)тоте, жили, а того бы за грѣхъ не личили. А заты(м) у двои способъ грѣшять. Напер(д) иже дѣвство обещують, которого имъ $\overline{Бъ}$ не даль, ани обетовати велѣлъ, у другое пакъ грешать, яко обещаніа своего не исполняютъ, но паче $\overline{вмѣсто}$ дѣвства неч(с)тоту творять. А нерозумеи абы(х) тое собою говорилъ або вымыслилъ, бо || ани бы ся того чинити годило, ани я самъ 30
хочю. Лечь тое все о(т) $\overline{бжестейного}$ писанія пріимую.

За(ч): $\overline{рлѣ}$

Обачь бо естъли не потомужъ и Аплѣ о дѣвстве розумѣть, ижъ потреба ся стеречи абы намъ не было силомъ або сѣтлю. Бо гдѣ выхваляетъ не ожененіе наконцы приложилъ тако? Се же к ползѣ ва(м) $\overline{глю}$, не да сило вамъ наложу. Припатрися тому что Аплѣ рече, прошу тебѣ, пилно. Бо ачь не мовить просто, Не обещуи дѣвства але ся тако розумѣть. Нижли тако для того не рече, ижъ еще не было таковыхъ овѣтницъ, яковыя потомъ не борздо настали. Ачь были обещаніа или молбы, але по закону то естъ жидовские не хрїстианские. Того для Аплѣ або радънеи $\overline{дхъ}$ || $\overline{стыи}$, не мольбою, ани 30v
обещаніемъ, але силомъ назвалъ и рече, К ползе вамъ $\overline{глю}$ не да сило вамъ наложу. Якобы тако написалъ. Добра речъ естъ дв(с)тво, але маеть быти безъ сила. то естъ, маеть быти по доброй воли, не по молбе или обетованію. Прото и $\overline{Хс}$ не силою повелѣваетъ быти

каженикомъ, але кто можетъ. Тако бо рече, Могыи
вмѣстити, да вмѣститъ, Ныне же не потому каженици
дерѣжять, але просто, хотяжь иньи того дарю не маеть,
пре(д)ся овещаетъ, а потомъ якобы не обещавши живеть
и в тое сило упадаеть, и естѣли ся не покаеть певне му-
чонъ будеть. Бо ачь тому людие не вѣрують, але слово
Божіе мимо ити не можетъ, которое свѣдѣчить, иже не
пустить Гдѣ оно||го безъ каранья, которыи бы взялъ имя
его напрасно. О томъ же Соломоѣ пишеть, яко многимъ
лейшеи не обещати, нежели обещавши не исполнити. Але
уже доволино о симъ блудѣ первомъ. Другыи естѣ не
меншыи, яко не у тотъ обычаи дѣвствують у которыи бы
мѣли, але иже ся для того живота вѣчного надѣвають.
Еслибы тое надежи о дѣвствѣ не имѣли, за тогожь бы
просторнеише монастыри были, сами бы ся только они,
имъже Бгъ чрево zostали. Але обачмы о(т)куле тое мни-
манье взяли. Напервеи приводятъ што Хс о каженика(х)
поведѣлъ, иже казять ся царствіа божіа ради.
Которые слова такъ розумеють, якобы Хс оны(х) каже-
никовъ похвалялъ, которые ся казять для то||го, абы
цр(с)твіе нбсное взяли. Лечь таковое розуменье естѣ и
шкодливое и ложное. Не того ту Хс розумѣеть, ани
ты(х) кажениковъ похваляеть, которіе бы ся для того
кажениками учинили, абы небо за тое зыскали, але ся

31

Екле: ̅

31v

тые слова, тако розумеють, Иже, они каженици царства божіа дѣля казяться, которіе бы ради тому царству служили и оное ширили. Царство божіе розумеи, стое Евангелие или науку Христовую, для того цр(с)тва, добрая рѣчь быти каженикомъ. То есть, не брати жены, абы такъ готовшыи былъ на всякое дѣло, которое бы тому цр(с)тву было полезно. Для того Іоанъ креститель, для того Иліа, и прочіи казилися то есть безъ жонъ жили. Не для того, абы собѣ небо || одержели. Иное бо рече надобѣ къ одержанью неба, или бѣчнаго живота, нежели дѣвства. Але недалеко рѣчы о(т)ступуючи дѣвство есть даръ божіи вѣлыми пожиточныи, но не къ оправданію, яко мнихи домнимають, ани ко оставленію хремомъ, но абы человекъ былъ волнеишыи и готовшыи къ всякому доброму дѣлу, яко есмь вже повѣдѣлъ. Посвѣдчають ми того Апль Павель, гдѣ о дѣвстве тако къ Коріиѣяно(м) совѣтуеть, Мню се, розумеи дѣвство, добро быти за настоящую нужу, яко добро человекъ тако быти. То есть безъ жены. Ясна рѣчь иже сими словы Апль выхваляетъ дѣвство. Рече бо добро члвѣку тако быти, але и тоє явно иже и причину кладеть, для которое дѣвство добро, За настоящую кажетъ нужу. Пилно паметуи, иже не рече, грѣхомъ о(т)пущеніа дѣля, або про вѣчныи животъ, але за настоящую нужу, або яко по просту знач-

За(ч): рли

32

32v

неи сказати можемо, Про настоящю потребу. Настоящчу⁹
 потребою зовѣтъ, которая вже якобы на(д) нами стоять,
 а за того жь прїходить, якобы рекль, для трудностей,
 которие на(д) нами всегда стоять. Сами бо видимы,
 ижъ жонатому далеко тру(д)неи бываетъ, коли на него
 приходятъ гоненіе и всякие скорѣбы, или клопоты, нежели
 неженивому. Бо той о(т) всего того свободенъ. Прото
 Апль о жонатыхъ рече, яко скорбь плотію имѣти нач-
 нуть таковыи: Опять о нежонатыхъ тамже пишетъ,
 33 яко пекутся о рѣчахъ || гнїихъ. Тая е(ст) мзда за дѣвство,
 а не иная. Третїи блудъ теперешны(х) мниховъ есть,
 яко о дѣвстве розумеють, абы оное предъ Богомъ дос-
 тоинейшее за бракъ, або за женитву было. И того для
 оное слово Хво о сѣмени па(д)шемъ на добрую землю,
 гдѣ мовить, яко ово приносить пло(д) сторицею, ово ꙗ,
 ово л̄ тако толкуютъ, пло(д) сторицею дѣв(с)тву при-
 писуючи а ꙗ пло(д) и три(д)цатый женитвѣ. Лечъ ся
 на томъ велми омыляютъ. Не о дѣвстве бо тамо Хс
 при(т)чю поведѣлъ, але о словѣ своимъ. Даючи знати,
 яко не въ всѣхъ пожитку чинить. аже если на добрую
 землю, то есть, на доброе сер(д)це падеть. хотяжъ онъ
 чловѣкъ белѣць, хотяжъ чернець, котории принявши
 33v таковое сѣмя, чинить || пло(д) або пожитокъ о оноmъ

За(ч). рли

Чти у толь-
 ковы(х) еван-
 гелїахъ слово
 лд

⁹настоящею

сѣмени, то есть, о бжѣимъ словѣ. Бо тако сѣи не только самъ станеться побожный, але и ины(х) къ побожности потягнѣть, на болей домъ свои. А иже одинъ большеи притягаеть людеи нежели другыи, для того Хс̄ разные плоды положилъ. Або и тако розумѣти можемъ, коли кто тѣло свое мртвить, абы въ нимъ не было камня, тернѣя, и што кольвекъ сѣмя божественно давить, выкореняеть, тогда плодъ приносить. То пакъ не вси заровно такового тернѣя позбываютъ, але одинъ большеи за другого, того для повѣдаеть Хс̄, яко ово сѣмя сторычнѣи пло(д) чинить ово шес(ст)десятнѣи, ово пакъ и тридесятнѣи. Даве(д)же и тое знаменуи яко Хс̄ не земли пло(д) || приписуеть, але сѣменю. Бо не рече добра земля принесе пло(д), але рече, Семя па(д)шее на добрую землю творить и приносить пло(д) абы кто собѣ не приписалъ, если у собѣ знаидеть што доброго, але абы вѣдалъ яко всяко даянїе блго, и всякъ даръ съвершенъ, съвыше е(ст) сходя о(т) о(т)ца свѣтомъ, яко Іаковъ пишеть. Прото блудяты и в томъ иноци, яко домнимають абы и(х) двѣство вышшаа рѣчь пре(д) богомъ была нежели ожененїе. А если ся имъ тако видить иже не блудяты, ино бы тое нехай слово(м) божѣимъ показали. Лечь они того не приняли о(т) слова божїего, но о(т) ума телесного. Пишеть убо Аплѣ Павель яко е(ст) рознаа речь

За(ч): нѣ

34

34v двѣ а жена, але абы таа розница пре(д) богомъ мѣсто
мѣла, далъ знати о || чомъ тое розумѣеть розделение,
такъ пишучи, Нео(т)даная мужу печеться о гдѣнихъ, да-
бы была ста и тѣломъ и духомъ а о(т)даная печеться о
миръски(х), како угодити мужу. О тожмъ маешъ розницу
межи двою а женою, але не потому, яко мнихи домни-
маются, но яко Апль дхом стымъ написалъ. Стережи
жь ся того, абы есь для того двѣства не ховаль, абы
есь богу за женивые пріемнейшыи былъ. Опять если
жону взялъ еси, не сомнися, ани домнимай, абы есь для
того нечистый пре(д) бого(м), або ему не любый былъ.
Пишетъ бо Апль, ч(с)тна женитва въ всѣхъ и ложе не
скверно, блудникомъ же и прелюбыдеемъ судить Богъ.
Прото и они стіи мужи Авраавъ, Ісаакъ, Іаковъ, Мои-
35 сеи, Самуиль, Давыдъ, Ісаіа, и ины(х) много и подъ
закономъ и до закона жоны мели. Потомужь и по(д)
Евѣангеліемъ не только простые люди, але и Апостоли,
Петръ, [*****] и прочіи. Нежели жонатыи памѣтовати
на тое маеть, абы опекаючися жоною, не упаль у пленицу
бесовскую, то есть, абы для жоны, дети, Бга и што
онъ повелѣваетъ не забылъ, ани бы омѣшкалъ, але бы
такоу былъ, яко коли бы жоны не имѣл. По Апостолу иже
такъ пишеть, Се же глю братія время сокращено е(ст),
да имущіе жены, яко неимущіе будутъ, и плачущей яко

За(ч): тлѣ

неплачуще, и радующися яко нерадующеся, и купующе
яко несодержаще, и вживающие мира сего, яко невжи- 35v
вающие, Преходить бо образъ мира сего. Хощу же ||
васъ бес печали быти. Кто бы ся тако заховалъ <, > не
завадила бы ему жона. Але нехай на томъ доволно будеть.

ПЫТАНЬЕ.

Яко Бѣ оны(х) караеть, которіе напротивъ тое запо-
вѣди чинять?

О(Т)КАЗЪ.

В законѣ Моисѣевомъ велѣлъ былъ Богъ таковы(х) ка-
меньемъ убивати. И тако учинили одному сынови
жены Іилѣския егоже съ Египтяниномъ мела. Тои бо
сынъ посварившися з другомъ, хулилъ имя гдне и пове-
лѣлъ его гдѣ убити. А не только того одного, але и всѣмъ
которыи бы ся того допустили, потомужъ чинити велѣлъ.
Прото на урядъ належить, абы таковы(х) каралъ. А
хотяжъ пакъ урядъ не скараетъ, пре(д)ся самъ Бгъ карати 36
пѣвне обещалъ. Бо тако къ тому слову придалъ, Не очис-
титъ о(т) грѣха Богъ того, которыи берѣтъ имя гда
бога своего надармо. А не розумѣи собѣ того только
о клятвѣ або о присязе, але и о всякомъ имени божіего
недостойномъ призыванью. К тому кто бы блюзилъ
или проклиналъ, не минеть его помста. Мусить таковъ

карай быти и здѣ на симъ свѣте, и потомъ на оно(м),
яко и сами на око видимы, иже ся никому не минаеть,
кто бы слово божіе або имя его гудилъ, або по(д) нимъ
не правду твердилъ. О Раѡацѣ прѣя Асирского воеводѣ
написано, яко имя Гда Бога смѣле хулилъ, которого
часу Іеросолимъ былъ облеглъ але, тое жь noci окрутѣ
скаранъ, || тако иже одинъ аѣгелъ о(т) оного воиска
убилъ сто тисечеи и осмъдесять тисечеи и пять тисечеи
мужеи. О Керинѣѣ Еретицѣ пишють, яко заставши его
Іоаннъ бгословъ у о(т)мывальни, а вѣдаючи яко сына
божіею хульникъ есть, не хотѣлъ ся тамо мыти, но ко
своимъ рече. Бежемо вонъ, да не згинемо съ Керинѣомъ
истине врагомъ. И пишють, яко за того жь егда вышоль
Іоаннъ, упала о(т)мывальня и убила Керинѣа. Нелепное
мель доконанье потомъ Арїи тежъ Еретикъ, которыи про-
тиву божеству Хрїстову блюзнилъ, того для доконанье
Іудино принялъ.

д Цар: иї өї

Евсев. въ тре-
тїихъ книга(х)
глав<.> кн.

ПЫТАНЬЕ.

Што Богъ обещалъ тымъ, которіе бы имени его з вѣроу
а потребне призывали? ||

О(Т)КАЗЪ.

Обещалъ таковы(х) николи не опустити, выслухати, ра-
товати, съ ними быти, и всехъ бѣдъ, избавити. О чомъ

часто и въ псалмѣхъ дхъ стѣи споминаеть. Яко въ
псалмѣ мѣ. Призови мя въ днѣ печали твоеи и збавлю
тя. Помомужь въ псалмѣ рмд, написано, яко близъ е(ст)
гдѣ всемъ призывающимъ его, всѣмъ призывающимъ его
въ истине. И вездѣ таковыя обетницы у стѣи писмени
знаидешь. А не только обетницы, але и skutokъ самыи
обачишь, яко Богъ на призыванье имени своего великие
чюда и сылы творилъ а своихъ верныхъ боронилъ и
избавлялъ. Призывалъ Моисей а розтупило ся море.
Призывалъ Исусъ Навинъ и стануло солнцѣ. || Призывалъ 370
Самоиль а голосъ былъ съ небѣс слышанъ. Призывалъ
Иліа а огнь спалъ изъ неба. И многие инше речи опу-
щаю.

ПЫТАНЬЕ.

Говори четвертую заповѣдь гдню.

О(Т)КАЗЪ.

Четвертую заповѣдь тако Богъ написалъ, Помни абы
есъ днѣ суботныи святилъ.

ПЫТАНЬЕ.

Яко ся то слово святити розумѣеть?

О(Т)КАЗЪ.

Святити розумѣтся не прожновати просто, яко посполите розумѣють, але на стые дѣла о(т)дати.

ПЫТАНЬЕ.

Скажи дово(д)неи абы(х) розумѣль причину, лейшей ли бѣ любить порожнованье за роботу? ||

38

О(Т)КАЗЪ.

Не у томъ обычаи Бѣ се(д)мый днѣ святити велѣль, абы работы не ра(д) видѣль, а прожнованье любилъ. Поневажъ на Адама тотъ законъ, высыляючи его з рая, вѣложилъ, абы у потѣ лица своего ель хлѣбъ свои, и землю бы дѣлалъ по вся дни живота своего, Але абы мѣль человекъ певныи днѣ, которого бы ся слова Божіе его училъ, и стыми бы ся речми бавилъ. И того для у томъ словѣ не тако спроста празновати повелѣваетъ, ани знага дѣлати заказуетъ, але святити тои днѣ велить. Святити пакъ не розумѣтся прожновати или ничего не творити, але святые дѣла чинити. А дѣла стые оны суть, котория Богъ чинити велѣль. Яко слова гднѣ || слухати, мл(с)тину давати, богу ся молити, и прочая. Прото не боронить Богъ на тотъ днѣ стыхъ дѣль дѣлати, але только мирскихъ або светски(х), дочасны(х), а того живота. А опять велить намъ чинити стые дѣла, яко есмъ вже поведѣль.

Бытъя. г

38v

ПЫТАНЬЕ.

Скажи ми естли и хрїстіане повинни седьмыи днь святити, а к тому еще для чого недѣлю святятъ а не субботу?

О(Т)КАЗЪ.

Кто вырозумѣть для чого Богъ людемъ иилевымъ субботу стити велѣлъ, онъ теже сна(д)не вырозумѣти можетъ, яко хрїстіане слободни о(т) се(д)мого дня, а яко ему повинни. Ино находимъ у стомъ писмени чот[ы]ривины, для которихъ субботу Бгъ || стити велѣлъ. Первая причина, абы сътворенье свѣта припоминали. О той причине Моисеи тако пишеть, Въ шести бо днехъ сотворилъ Богъ небо и землю, морѣ и вся еже в нихъ суть, и о(т)починул в днь седьмыи. Якобы реклъ тако, Помни днь суботный святити, Бо в шести днехъ сътворилъ Богъ весь свѣтъ, абы есь того не забылъ. Другая причина, абы онъ людъ мѣл таину или образъ о(т)починенья духовного. То есть, субота знаменовала, иже вси потребуемъ абы насъ Богъ посвятилъ и до вѣчного о(т)починенья принялъ. Тую причину далъ знати Моисеи у Исходѣ гдѣ пишеть, яко Богъ рече, Видьте да субботы моя соблюдет, понѣже знамя естъ mezi мною и вами в родѣхъ || вашихъ, да разумеете яко азъ есмъ гдѣ освещая васъ, и прочая. Тую жъ таки причину и Езекииль широко выписуеть у к главѣ, mezi иными словы пишеть

39

Иско(д): лѣ

Глава кѣ

39v

яко Богъ рече, Суботы моя да(х) имъ, якожъ быти въ зна-
меніе межю мною и межю ими, якожъ разумѣти им яко
азъ ꙗко освещаяи <, > Яко Моисеи тако Езекииль кажутъ
иже для того Богъ далъ былъ суботу и стити ю велѣлъ,
абы розумѣли, яко о ститися о(т) Бога потребовали.
Третяя причина, абы онъ людъ мѣлъ опричьныи днь,
которого бы законъ розбѣралъ и иише стые речи дѣлалъ.
О томъ и Лука въ дѣаніяхъ Апльски(х) споминаеть, яко
Моисеи чтеться по вся суботы. Четвертая причина есть,
40 абы не волнико(м) и неволницамъ || и ското(м) было о(т)-
починенье. О той причине Моисеи написалъ тако, Шестъ
дней делати будешь, се(д)маго же дня престанеши, да
о(т)починеть волъ и осель твои и да о(т)дыхнетъ сынъ
рабы твоя и пришлецъ иже есть у тебѣ. Вже тепѣрѣ
погледи до тыхъ причинъ, а самъ собою вырозумѣешь,
яко повинни есмо тому слову, а яко неповинни. Бо водле
некоторихъ причинъ вже свободные есмо о(т) се(д)мого
дня, а во(д)ле иишихъ причинъ потреба, абы и хрїстіане
мѣли опричьныи днь которого бы стили. Вторую при-
чину поведѣлъ есмъ на тотъ обычай, иже для того лю-
демъ йилевымъ велѣлъ Бгъ суботу стити абы ихъ упоми-
нала а на память приводила, иже имъ надобѣ освещенья
и покоя, або ижъ потреба, абы ихъ || Богъ освятилъ и въ
40v о(т)починенье принял. По той причине свободни есмо

о(т) всехъ празниковъ и субботъ. Бо всемъ образомъ и стеньемъ конецъ принесъ и учинилъ \overline{Xc} . А кто бы у тотъ обычаи субботу, або недѣлю, стиль, не добребы чинилъ; и противу бы Хрїста їудеиствовалъ. Тотъ бо обычаи празнованья \overline{Xc} вже о(т)нялѣ и $\overline{Апли}$ о(т)ставили.

Глава. в

Яко Павель Коласаемъ пишеть, да никто васъ осужаетъ о яденїи, или о питии, или о части праз(д)ника, или о новом(с)цахъ, или о субботахъ, еже суть стѣнь грядущимъ тѣло же \overline{Xvo} . Пильно обачъ яко празники, субботы, брашна и таковая, стѣнемъ называетъ, то есть образомъ, а Хрїста тѣломъ зовѣтъ. Даючи знати иже оныя субботы толико || образовалы, або значилы, пришлыя речи, а до того часу мѣлы быти, докуле бы вже не стѣнь, але самаа правда пришла, которую тѣломъ зовѣтъ. А прото не мають хрїстіане у тотъ обычаи никакихъ празниковъ мѣти, але вси дни за празники мають личити, Яко $\overline{Ісаїа}$ пророч(с)твовалъ гдѣ рече, И будетъ новом(с)ць о(т) новом(с)ца и субота о(т) субботы, ачь тое по вѣскрешенїи достаточней ся звудеть.

Глав: $\overline{Іс}$.

Обачивъши тую причину, обачи и иншия причины для которихъ празники Богъ поставилъ, То есть, абы былъ опричный днѣ, которого бы ся людие ко слуханью слова божїего съхажали, а семья бы неволная и скоть о(т)почивали. Водле тыхъ причинъ мусить быти певныи днѣ.

41

41v у хрїстіанъ. || Бо и Хс собѣратися своимъ велить и о Аптлѣхъ читаемы, яко ся къ слуханью слова божіею и къ преломленью хлѣба съберали. Надъ неволнниками тѣже велить Богъ мл(с)ть мѣти и оныхъ щадити. А протѣ потреба абы таковъ днѣ мѣли хрїстіане, якожь еще спочатку мѣли.

ПЫТАНЬЕ.

Вижу яко мусить быти днѣ одинъ которого бы хрїстіане о(т) работъ своихъ волными были, а слуханья бы слова божіею пилновали. Але еще ра(д) быхъ вѣдалъ, для чого на тое иишии днѣ обрали, нежели которыи самъ Богъ обралъ и посвятилъ и. То есть для чого стимъ недѣлю а не субботу?

О(Т)КАЗЪ.

42 Ачь то на воли оныхъ стари(х) хрїстіанъ, то || есть Апостоловъ было, обрати собѣ которыколвѣкъ бы днѣ хотѣли на стые справы, хотяж бы понедѣлокъ або второкъ, або иныи которыи о(т) се(д)ми дни, поневажъ вси дни ровные суть, а не е(ст) одинъ за другою лейшеишыи, яко Аплѣ к римляномъ пишючи знаменуеть. Даве(д)же безъ причины первыи днѣ, то есть, недѣлю на тое избрали. Яко бо по(д) законо(м) сувоту¹⁰ для того стили,

¹⁰суботу

ижь того дня Богъ о(т)починулъ створивши вси речи, потомужь по(д) Евангелиемъ годится оногo дня добродейства божіе припоминати, которогo сынъ божіи знову створивши свѣтъ, то есть, челоуѣка избавивши к новому животу въскреснути рачиль. Бо оное первое створенье, для которогo быъ Богъ субботу || святити велѣлъ, Адамовымъ грѣхомъ было нарушено, а ново Ісомъ Хромъ опять есть наидѣно.

42v

ПЫТАНЬЕ.

Чимъ того довѣдешь, абы Апостоли недѣлю заховали, або ку слуханью слова божіего обрали?

О(Т)КАЗЪ.

Ничим толико писмомъ стымъ. Напервей бо Лука Евангелистъ в дѣаніях Апостолски(х) пишетъ тако, Въ едину же о(т) субботу събраны(м) учникомъ преломити хлѣбъ, Павелъ глаалъ к ни(м) хотя изыти на утрѣи, и простреть слово до полунощи. Здѣ явне пишетъ яко учници сиречь хрістіане, събѣралися ламати хлѣба, то есть вечерю гдню чинити, в недѣлю. Потомужь || и Павелъ Апостоль къ Коринѣомъ пишючи припоминаетъ недѣлю, яко того дня маеть быти сложеніе млтины. Тако бо пишетъ, А сложеніе еже къ стымъ, якоже расчын(х) црквами Галатеиски(м), тако и вытворите. По единой о(т) субботу

43

кожды васъ о собѣ да полагаетъ съхраняя. Съ обоюхъ ты(х) мѣстъ вырозумѣти можемъ, ижъ Апостоли недѣлю обрали, абы у томъ днѣ стые sprawy чинили хрїстїане. То есть абы ся на одно мѣсто згромадивши, Бга призывали, слова его слухали, таине прїимовали млѣтину здавали, и иныше повожные дѣла богу ко чти чинили.

ПЫТАНЬЕ.

43v Вижу яко Лука све(д)чить, иже съшлис[я] были учѣници въ едину о(т) суботь прело||мити хлѣбъ, Лечь не пишеть абы тое было в недѣлю, але якобы в некоторую суботу. Павла тѣже Апла речь трудна къ вырозуменью. Бо не рече полагаи каждыи в недѣлю у себѣ млѣтину, а але рече, по единой о(т) суботь. Яко тое розумѣти маю?

О(Т)КАЗЪ.

Нѣтъ в сихъ словѣхъ никакое тру(д)ности, кто ся писму стому припатрити хочеть. Вѣдомо бо маеть быти, яко Апостоли и Евѣнгелисты ачъ языкомъ грѣчьскимъ писали, лечь пре(д)ся обычаи мовы Евреиское заховали. Евреане пакъ не потому дни звали яко мы теперъ зовемъ, ани потому яко на онъ часъ Грѣки звали, ани ся годило тако Апломъ звати. Бо Грѣки або Еллини будучи погане, 44 многы(х) боговъ быти || вѣровали, и и(х) имени дни называли. Што мы нынѣ Недѣлею зовѣмъ, они днемъ Иліовымъ то е(ст) солнца звали, солнце в мѣсто бога маючи.

Што в насъ тепъръ понедѣлокъ, тое они днемъ луны, которую мѣли за богиню, называли. Потомуже второкъ Ираклиевымъ днемъ, Середу Ермиевымъ <, > Четвѣръ Діовымъ, Пятницу Афродиты, Суботу Кроніовымъ. Ино яко есмъ вже поведѣлъ, не годилося потому Апломъ ани Евѣангелисто(м) писати, которие множ(с)тво ложны(х) боговъ потребити мели, а того для обычаемъ Евреи дни называли. Недѣлю единою о(т) суботъ, понедѣлокъ второю або другою о(т) суботъ, второкъ третьею о(т) суботъ, середу четвертою о(т) суботъ, чеверъ пятою о(т) суботъ, Пятницу шестою о(т) суботъ, А суботу суботую или шабасомъ звали. Прото гдѣ знаидешъ у стомъ писанію въ едину о(т) суботъ розумеи якобы написано у недѣлю. А для лейшеишого вырозуменья, обачъ въ всѣхъ Евѣангелиа(х) гдѣ стіи Евѣангелисты въскресеніе Хво выписують, у видишь иже вси свѣдчатъ, яко Хс въ едину о(т) суботъ всталъ изъ мртвыхъ, то е(ст), на заутрїе по суботе, по нашему, у недѣлю. Маѣеи бо тако пишеть, Въ вечер же суботныи и свитаючи въ едину о(т) суботъ, прїиде Марїа Магдалини и другаа Марїа видети гробъ и прочая. Обачъ яко ясне даеть знати, иже опошле вечера суботного свитаеть въ едину о(т) суботъ. Што ся о иномъ дни розумѣти не можетъ развеи о || недели. Тое теже памятуи, ижъ по обычаю, Евреиское

44v

45

речи Евангелисты штобы мѣли писати въ первую о(т) суботь, они писали въ едину о(т) суботь. Тако бо и Моисеи выписуючи яко Богъ сътворилъ свѣтъ написалъ. И бысть вечеръ и утро днѣ единъ. То есть днѣ первыи. Прото Марко Евангелистъ написалъ тако, Въсксъ Іс заутра въ первую о(т) суботь. Домнимаю яко вже каждыи розумѣти можетъ. иже гдѣ Лука въ дѣаніахъ пишеть, яко учѣнцы сѣхажалися лавати хлѣба въ едину о(т) суботь, не можетъ ся о иномъ дни розумѣти развѣи о недѣли. А ижъ тотъ днѣ неделныи былъ еще за Аптлѣ обранѣ на божіе sprawy вже есмъ довѣлъ, чого ми теже посве(д)-

45v чаеть Іоаннѣ богословѣ въ о(т)||кровенію, гдѣ тако Апкалип. а пишеть, Азъ Іоаннѣ братъ вашъ и обещаикъ въ скорби и пр(с)твѣ и терпени Іс Хвѣ, бѣхъ въ островѣ нарицаемомъ Патмомъ за слово божіе и засвѣдительство Іс Хво, Бѣхъ дхомъ въ днѣ недѣльныи. Лечъ што здѣ днемъ недѣльнымъ на нашу рѣчь преводники написали, то у Грѣчески(х) книга(х) въ днѣ гдень пишють. Тако бо грѣческого языка Хрїстиане, недѣлю зовуть, Кирїаки имера, то е(ст), днѣ гдень. Почому знати, иже тои днѣ стародавныи хрїстиане о(т)делили были божїимъ съправа(м). Бо естлибы не такъ было, не писалъ бы его богословъ днемъ гднемъ.

ПЫТАНЬЕ.

Если за Апостолъ мели хрїстїане опричьныи днѣ, которого стїе справы дѣла||ли, чого жь для Аплѣ Галатъ-скую церковь о томъ обличаетъ, яко певные дни мѣли, которы(х) смотрели. Тако бо пишетъ имъ, Како възра-щаетеся пакы на немощныя, худыя: стихїа: имъже пакы служити хотяще дни смотрите и м(с)ца, и времена и лѣта, Боюся о васъ, егда како без ума трудихъ ся, и прочая?

За(ч): [сі] початка

46

О(Т)КАЗЪ.

Поведѣлъ вже есмъ яко вы Хрїстїане инымъ способомъ празновати, нежели їлтяне, маемъ. Тїи бо для того празновали, абы образовали або значили, яко потреба абы были посвящени. Мы пакъ только для того празнуемъ, абы есмо часъ мели божїихъ справъ пилновати. Галаате пакъ не || для того дни смотрели, але їудеи-ствующи инъшие дни за стые, а инъшие за нестые, мѣли. Прото Аплѣ напротиву тому ихъ худо(с)тву пишетъ, а не противу церковному чину. О которо(м) на иномъ мѣсте тако повелѣваетъ. Вся блгообразно и по чину да бывають. А якожь по чину будутъ вся, естлибы певного дня ко събѣранью хрїстїанъ и къ инымъ справа(м) не было.

За(ч): рнз

46v

ПЫТАНЬЕ.

Которие суть добрие дѣла того четвертого слова?

О(Т)КАЗЪ.

Наперѣви проповѣданье слова божіа, и причащанье а
таинъ Хрістовы(х), за великие дари божіе мѣти.

47^o Слова божіего звеликою пилностію нау|| [...47 欠....] || б
святить, кто и в собѣ и в другихъ, вѣрю, надѣю, любовь
острить.

ПЫТАНЬЕ.

Которие суть грѣхи противу того слова?

О(Т)КАЗЪ.

Наперѣви гордѣти службою Евангельскою. То есть, а
або николи, або зрѣдка, слухати слова божіа.

Не причащати таинамъ Хвѣымъ. б

О(т)ставляти проповѣданье слова божіего, або недбале г
его навчати.

Постановляти незбожные чины, которие правое ученіе д
затѣрають.

Въ дни стые пированья чинити, непилъные суды су- е
дити, на позорища ходити, прожновати, доча(с)ные речи
48 робити, о бож(с)твенны(х) не розмышляти. ||

О(т)водити кого о(т) слуханья бесѣдъ поучительны(х), з

або дати кому причину зле о нихъ розумѣти.

з Всякіе справы в тои днь чинити, которіе бы о(т) слуханья божіею слова и о(т) розмышлянья его о(т)водили. яко в днь стыи тор[го]вати, долъгы о(т)правляти, копы съберати, в дорогу ехати, полевати, або звѣрь ловити, и таковая.

и Причину, абы некому слова божіею научати, якожь кольвѣ дати, або напротиву чти слухителеи стоячи, або данину о(т) нихъ забираючи.

ѣ Подданныхъ великими службами обтяжати, за которими часу не мають до церквы приходити.

ПЫТАНЬЕ ||

Яко Богъ караетъ ты(х) которыя того слова четвертого непослушны? 48v

О(Т)КАЗЪ.

Яко первы(х) словъ проступци и на тѣле и на души бываютъ карани, потомужь и о того слова проступницѣхъ розумѣти маемъ. понеже и тое слово е(ст) о(т) первое дощки. И маемъ взоръ у стом писанью, яко ся Бгъ на таковыхъ гнѣваетъ, которіе бы дня стого свои потребности чинили, а гдне бы оставили. Моисеи бо пишетъ, яко самъ богъ велѣлъ чвека каменіемъ убити, иже только

Числа гла: еі

трѣски в день суботныи збиралъ. Неменіа теже свѣд-
чить, яко Богъ за тое былъ навѣль зло на Іерлѣимъ,
иже суботы были посквернили. То[е] жь у Езекиїла и
у иныхъ пророкъ зидешъ. ||

в Ездр: гї

49

ПЫТАНЬЕ.

Што будеть онимъ, которыи тую заповѣдь полнятъ?

О(Т)КАЗЪ.

Яко проступници и на души и на тѣле карани бывають,
потомуже и которіе того слова стерегутъ, и вечныя даро-
ваніа пріимуть, и здѣ на земли ласкавого къ собѣ бога
познають. О вѣчны(х) рече самъ гдѣ, Блажени слы-
шащеи слово бжїе и храняще е. О земны(х) пакъ Ісаїа
такъ пишетъ, Аще о(т)вратити ногу твою о(т) суботѣ и
не сътвориши воля своя в днь стыи, и прозовеши суботы
млады, сты бви своему, да не въздвигнеши ноги своя
налѣво, ни да възглѣши словесы на гнѣвъ изъ устъ своихъ.
и будеши уповая къ гдѣви, възведеть тя || на Бготы
земныя, и уречеть ти причастіе Іакова о(т)ца твоего.

Лук: ѱ

Ісаїа: ѱ

49v

ПЫТАНЬЕ.

Говори пятую заповѣдь.

О(Т)КАЗЪ.

Пятаа заповѣдь естъ, Чти о(т)ца и маѣку твою, абы есь долго живѣ на землѣ, которую гдѣ Богъ дастъ тобѣ.

ПЫТАНЬЕ.

Што здѣ Богъ зоветъ честию?

О(Т)КАЗЪ.

Писмо стое не только тое честию зовѣтъ что людие посполите зовутъ. Люде бо мають оное за честь, коли кто къ кокому укладне говорить; повѣставаеъ, шаѣку снявѣши кланяеъся. Лечь у стом писме честь называеъся, не только такоува укладно(ст), але теже коли кто видечи потребного о(т) маеѣности своеи ему удѣляеъ. О таковой здѣ чести сее слово пятое повелѣваеъ. То естъ, абы есмо родителемъ своимъ послуѣни и поболѣнѣи были, учѣтиве ся к нимъ заховали, потомужъ абы есмо имъ, естлибы потреба, выхованье давали. А на остатокъ и працу свою къ ихъ пожиткомъ о(т)давали. На томъ бо залежить честь. О которой тутъ Богъ заповѣдуеъ. А хочешъ ли о томъ певнеишыи быти яко чтити розумѣеъся живити а выхованье давати, погледи што Ап(с)тль къ Тѣмоѣею пишетъ, Прележащеи добрѣ пресвѣтиры сугобеи чти да достоини бывають, паче же трюж(д)ающеися въ словѣ и ученѣи, и докладаеъ абы розумѣль Тѣмоѣеи о якои чти говорить, и рече, Глеть бо писание. Вола

За(ч): сѣс

50

50v

верхуца не оборотиши, И, достоинъ дѣлателѣ мзды своея. Естлибы не датокъ здѣ честию звалъ Павелъ, а на што бы о воле молотящо(м) писмо приводилъ, которого: оборотити: заказуетъ На што бы слово \overline{X} во припоминалѣ о дѣлателю яко достоинѣ мзды або заплаты своея? А такъ надобѣ тое паметовати, а родителемъ не только слово(м), поклоно(м), а шапкою честь чинити, але сее чинячи, оного на чимъ большеи належить не опущати.

То ест въ Обре
внудати абы н
ель

ПЫТАНЬЕ.

Буду вже розумѣти яко ся чтити годить родители, але ми еще скажи. кого здѣ Богъ о(т)цом и маткою называетъ, естли только родителей о(т) котори(х) тѣло имаемъ? ||

О(Т)КАЗЪ.

Колибы есмо ся о(т) о(т)ца и о(т) матки народивши не потребовали ины(х) людеи помочы, обороны, науки, ино бы есмо не долъжни никому иному чести тоее, развѣ родителемъ ншимъ. Але ижъ безъ тыхъ речеи вже ознаменыхъ на симъ свѣте быти не можемъ, прото и оны(х) на мѣсте родителей мѣти есмо повинни о(т) которыи(х) тые добродѣиства пріимемъ. Се естъ наставники, мастера, пастыры, и врядники. Тымъ бо долъжни есмо честь заровно яко родителемъ. Бо яко о(т) родителей тѣло маемъ, тако

опять о(т) мастеровъ маемъ иже оное тѣло можемъ захо-
вати, абы и одежду и пищу мѣло. Потомужъ за властями
покои маемъ, а за пастырми добрую совѣсть. А || безъ 51v
ты(х) на свѣте пожити нельза члвѣкомъ. Безъ роди-
телеи бо на свѣтъ никто не народиться: але хотяжся
о(т) родителей кто народить а добрымъ нарво(м) не на-
ставиться, што за пожитокъ с̄ него будеть. Потомужъ
хотяжъ бы ся кто и народилъ и выхованъ былъ, але бы
врагъ не покои чинилъ, а в ряду бы не было которыи
бы боронилъ, а на што бы и выхованье? Лечь хотябы
и выхованье кто мѣлъ и оборону, але бы опять слова
божіе не мѣлъ о(т) кого слухати, пре(д)ся бы еще ве-
ликии недостатокъ терпѣлъ. Прото сее пятое слово не
только ся о родителяхъ розумѣеть, але о всѣхъ тыхъ ко-
торыхъ есмъ вже припоминалъ. То есть, о нас[т]авника(х),
о пастырѣ(х) а о преложоны(х). Тымъ повинни есмы
честь || не мней але яко родител[е]мъ, не такъ для обороны 52
и науки, яко для того ижъ оны(х) Богъ на своимъ мѣсте
поставилъ, и послушеньство имъ чинити велѣлъ.

ПЫТАНЬЕ.

Маѣ: За(ч): чг
Естли родители, пастыри або учителя, и господари
за о(т)цы чтити маемъ, чого для Хс̄ заказуеть о(т)цомъ
кого звати на земли, даючи того причину иже едиѣ е(ст)
отецъ нашъ на нбесѣхъ?

О(Т)КАЗЪ.

Не только о(т)цами людеи звати $\overline{Хс}$ заказал, але того жь часу $\overline{Апл}$ омъ заборонилъ, абы ся учителями не звали: А пре(д)ся Павелъ $\overline{Апл}$ ъ назвалься и учителемъ и о(т)цомъ. Бо пишючи къ Тимоѳею тако рече, $\overline{Истинну}$ $\overline{глю}$ о $\overline{Хр}$ ѣ а не лъжу учитель языкомъ въ || вѣре и истинне. Здѣ ся учителемъ назвалъ а къ Коринѳомъ пишетъ тако: Не срамляя ва(с) пишу сѣя, но чада моя бозлюбленная наказую. Аще бо тму учителей имате о $\overline{Х}$ ѣ, но не многы о(т)ца. Бо о $\overline{Х}$ ѣ $\overline{Ис}$ ѣ $\overline{блговѣстованіемъ}$ азъ вы роди(х). Молю убо ва(с) подобни ми бывайте. Сего ради посла(х) ва(м) Тимоѳѣя, иже ми е(ст) чадо възлюбленое. Сты(х) словъ $\overline{Апл}$ скихъ явно, иже ся о(т)цомъ Коринѳомъ пишетъ, а потомужь и Тимоѳѣю. Прото заказъ Хрїстовъ, муситься не такъ просто розумѣти. Бо еслибы ся просто розумѣлъ, не чинилъ [б]ы противу его $\overline{Апл}$ лъ, то есть, не звалъ бы ся ани учителемъ ани о(т)цемъ. Прото тако розумѣти маемъ слова $\overline{Хва}$, Гдѣ заказуетъ $\overline{учнкомъ}$, абы ся учителями не зва||ли, тое жь ся розумѣеть, яко колибы имъ поведѣлъ, Не учете сами о(т) себѣ, што ся вамъ полюбить, але што есмъ я ва(м) научилъ. Тои бо учителемъ ся зоветъ, кто не $\overline{Хва}$ ученья, але своихъ вымысловъ, учить. Опять кто $\overline{Хва}$ слова навчетъ, можетъ ся учителемъ назвати. Бо тая честь не его будетъ, але оного

За(ч): $\overline{спв}$

52v

53

За(ч): скд

чия наука. А ижь ся потому Павел и иишии Апли за-
ховали, слушне ся учителями звали. Бо и на тое были
о(т) Ха избрани, и потом послани, абы навчали. И того
для Аплъ к Ефесіом пишючи, не только Пророки, Аплы,
Евангелисты, и пастыры, личить за дары, которые намъ
Хс по правицы бга о(т)ца седячи даеть, але теже и учи-
телеи припоминаеть. Потомужь и званью о(т)цомъ
розумѣи, иже || не боронить Хс звати о(т)цомъ о(т)ца,
и пастыра, або учителя, але у томъ словѣ напоминаеть,
абы есмо для нашихъ о(т)цовъ, Бга всеи истийного о(т)ца
не о(т)ступали, его славу большеи важили. окроне того
теже вѣдати надобѣ, иже властиве гово[р]ячи, единъ
только самъ Богъ естъ всее твары и отецъ и господинъ
царь, княз, и Богъ, даве(д)же пре(д)ся самъ Богъ рачиль
ты(х) именъ оны(м) узычити, которые на его мѣстѣхъ
седять. Яко часто у стом писанію находемъ, иже не
преложены только называются князи, о(т)цы, цари, и
гдевѣ, але и бози нарицаются о(т) самого Бга.

53v

ψало(м) п̄а

Яко у ψалмѣхъ дхъ стьи рече: Богъ ста в соиме бо-
говъ, посреди же боговъ разсудить. Там же мало ниже
и рече: Азь ре(х) бози есте || и сынове вышнего вси. По-
тому же въ Исходѣ написано: Богомъ не поругаешися.
Тое пакъ не розумѣеться о поганьскихъ бозѣхъ. Бо
тымъ можетъ ся ругати, яко чиниль Иліа, Іереміа, и

г Цр(с): в̄і

54

прочіи, але ся розумѣть о судьяхъ, а о преложеныхъ, котори(х) богъ чтити велить, а поругатися имъ възбранаеть.

ПЫТАНЬЕ.

Если же бы господарь былъ несправедливый, што маеть чинити христїанинъ?

О(Т)КАЗЪ.

54v Несправе(д)ливый былъ Саулъ, а пре(д)ся чтиль его Давыдъ. Идолослужители были Римские Кесари, а предъся имъ Хс кийсонъ платити велѣлъ, и самъ дѣдрахму заплатиль. Прото Павелъ Римляномъ тако пишеть. Воздади тежъ всемъ долгы. Емуже урокъ, урокъ, Емуже дань, дань, Емуже стра(х), страхъ. Емуже честь, че(с)ть, А Петръ еще ясней того пишеть, абы подьданные, абы слугы, повиновалися владыкамъ або господаромъ своимъ не токмо блгымъ и кроткы(м), но и стройтивымъ. Прото повиненъ христїанинъ господаря своего слухати, ему служити, и што розкажетъ маеть чинити. Нижли естлибы што напротиву бога Царь, Князь, або которыи иишыи гдарь повелѣлъ, а хотяж бы и пастрѣ, тогды вже не маеть христїанинъ послушень бити, але обычаемъ Апостоль сты(х) маеть о(т)казати: Послушати подобаеть богови более нежели человекомъ. В той мѣре вже и

За(ч): раї

55 родного о(т)ца послушні || быти не маемъ, ани на конецъ
Анґела, еслибы о(т) бога о(т)водилъ, або противу его
Маѣ: За(ч) ли
и лѣ
слова верити, або што дѣлати, велѣлъ. Бо вже тогды
отець не отецъ але чужьи, господарь не господарь, але
розбоиникъ, пастырь не пастырь, але волкъ, анґель не
анґель але дїаволь. Прото мовлю вже на томъ часъ не
Мат: За(ч): ли
и лѣ
слухаи. Бо Хс тако рече, Прїидо(х) разлучити человѣка
на о(т)ца своего, и дъщере на матеръ свою, и невѣстку на
свекровъ свою, и врази члґку домашнійи его. Иже любить
оца или матеръ паче мене нѣсть ми достоинъ, и прочая.

За(ч) рчѣ Опять Павелъ къ Галато(м), рече: Аще мы или аггль со
нбси блговестить ва(м), паче еже блговестихо(м) ва(м),
анаѣма да будетъ. На тые бы слова мѣли паметовати,
которїи нынѣ || Божїему слову мѣста дати не хотять, для
отецкы(х) обычаевъ, або для знамѣнъ. чюдесъ, або для
якого явленья аггльскаго. 55v

ПЫТАНЬЕ.

Годить ли ся Ханину быти на врьдѣ,¹¹

О(Т)КАЗЪ.

Напервѣи нежели на тое пытанье о(т)кажу, потреба ся
нам о(т) божїего слова гараздъ навчити, какова рѣчь
е(ст) врьдѣ, добрали або недобра. Наидеть ли ся у

¹¹врьдѣ?

божієм словѣ яко врьдѣ рѣчь добраа, чого бы для Хрї-
стіанинѣ не мѣль быти на урядѣ. Опять знаидеть ли
ся яко злаа рѣчь урядѣ, ино негожа будеть хрїстіанину
бити врьдѣникомѣ. То пакѣ кажную рѣчь по сѣму позна-
ти каковали будеть, естли вину або причину оное рѣчи
56 обачишь. Бо знаидеш ли || которой речы виною и началь-
никомѣ самого быти бога, розумѣи сию рѣчь за добрую.
Опять знаидеш ли какую рѣчь онои же начатокѣ даль
дїаволь, не мѣи оное речы за добрую. Хотяжѣ пакѣ
розумѣ чоловѣчїи и о[н]и полюбятъ. Але не далеко за-
ходячи, обачимѣ кто цари, князи, воеводы, и инѣше врьдѣ-
ники поставилѣ. То пакѣ все писмо и вѣтѣхого и нового за-
вѣта посвѣдчаеть яко богѣ всѣхѣ ты(х) на ихѣ престолы
сажаеть. Тако бо у притѣчаѣ Соломоновы(х) премудрость,
то есть, сынѣ божїи, рече: Мною Царие цар(с)твуютъ и
56v о(т) него вси Цари, г(с)д[а]||ри, и мучител? Але погледи
до стго писанья, не тое ли знаидеши? Моисея чи не
богѣ позвалѣ быти княземѣ? По сѣмѣ Исусѣ Навинѣ не на
повеленїе ли божїе мѣсто принялѣ. Самсона, Оѣонїила,
Гедсона, Варака, Іефѣу, и инѣхѣ судей даже до Самоила,
людемѣ Іилѣвымѣ кто посылалѣ? Саула кто помазати

Притч: ѡ

велѣль? Давыда на цр(с)тво кто избралъ? А не токмо
межю людиѣ Иїлєвы(х), но и посреди язычески(х) а по-
ганьскихъ народовъ о(т) Бга цри цр(с)твуютъ, Яко
Данї: ē Пророки о Навуходносоре и о Кирю пишутъ, о Навход-
насорѣ Данїиль тако къ сыну его поведѣль, Богъ пре-
вышній цар(с)тво и велич(с)тво, славу и честь далъ Нав-
ходназору. О Кирю пакъ у Паралипоменоне тако пишеть,
Парал: л̄с самъ же Киръ о собѣ; Вся || цар(с)тва земныя далъ ми
Ездр: ā г(с)дѣ богъ небесній. Вже явно каждому, о(т) старого
завѣта, яко Богъ самъ даетъ Цари, князи, и иные
г(с)дари. У новомъ опять завѣте тое жѣ ся находить.
Яко гдѣ Хс къ Пилату тако рече. Не имѣлъ бы власти
ни единой, аще не быти дано свыше. Явне указуетъ, яко
За(ч): раї всякаа власть свыше е(ст): то е(ст): о(т) Бога. О чомъ
Аплѣ къ Римляномъ доводней пишеть тако, Нестъ вл(д)-
чество аще не о(т) Бога, суца же вл(д)чества о(т) бога
учинена суть. Тѣмъ же противляися власти, божію по-
велеңию противляется. Видиши ли яко Апостолъ вл(д)-
чество или урядъ о(т) бога быти пишеть, Прото явна
рѣчь е(ст), иже Богъ самъ ура(д)ники постановилъ.
А естли Богъ постановилъ, или, по Аплу говорячи,
учинилъ мусить, быти рѣчь добраа. А естли добраа,
а чого бы для не годилося хрїстіанину на врьдѣ быти?
Правдати естъ иже вра(д)ники забываютъ посполитѣ по-

57

57v

званья або повинност[e]и свои(x). То е(ст), не паме-
туютъ иже мають быти до по(д)даны(x) яко о(т)ци до
свои(x) детеи, и бываютъ окрутники, мучители, лихо-
имци, або лупежники, и иншия тяжкїе тру(д)ности подь-
даны(м) чинять. Даве(д)же для того и(x) врядъне пер-
еставаеъ быти о(т) бога. Бо не вже золото злаа рѣчь а
не о(т) бга будетъ, естълибы кто его на збытокъ, або на
пыху вживалъ, золото ничимъ повинно, але онъ человекъ
злыи. Потомуже и Царь и иншия как[i]и вря(д)никъ будетъ
ли лихъ, не будетъ тое вина его уряду, але самого его
58 особы. К то||му еще маемъ на взоръ людеи стыхъ, ко-
торие на урядѣхъ были, яко Моисея, [I]осифа, М[е]лхи-
седека, Ісуса Навина сына, Самоила, Давыда, и прочи(x).
А в новомъ завѣте Корнеліа сотника, Іосифа о(т) Ари-
маѣя съвѣтника, Сергія Павла Пафеньского Анѣипата
або намѣстника и прочи(x). Прото годиться хрїстіанину
урядъ держати, судити, добри(x) боронити, злыхъ
карати, не только на маетности, але и на горле, только
бы справе(д)ливе. А не только за тое грѣха врядникъ
не маеть, але тѣже вдячную рѣчь Богу тымъ обычаемъ
чинить. А гдѣ бы того не чинилъ, то е(ст), злыхъ не
каралъ, а добримъ ми[r]ю або покоя не чинилъ, таковыи
урадникъ грешить, яко которыи повинности своеи не чи-
58v нить досыть. || Пишетъ бо Апль, яко не без ума мечь

носить, а яко бжїи служитель, о(т)мьститель маеть быти въ гнѣвѣ злотворящему. Блудять неціи, которіе за грѣхъ мають на урядѣ сядячи, розбоиника или чужо-ложника, или иншого злочиньцу, сказати на смртѣ. и мають тое за млтѣ, або за милосердіе. Але такова мл(с)ть е(ст) опачьнаа. Лейшей добри(х) миловати, нежели ихъ враговъ. Бо той добри(х) не милуеть, кто злымъ волю даеть. Зачимъ добріе покоя мѣти не могуть.

ПЫТАНЬЕ.

Што чинити маеть по(д)даныи, або слуга, естълибы ему господинъ его злую рѣчь учинити велѣль?

О(Т)КАЗЪ. ||

Богъ не тако далъ власть Царомъ и инымъ вря(д)ни-комъ. абы собѣ болшее не заховалъ. Прото маеться на повеленіе цареве или иного которого господаря слуга намыслити. Если ся с повеленіемъ божіемъ згодить, ино повиненъ яко самого бога слухати. Если пакъ напротивъ богу и его слову, не маеть чинити. Бо написано, Послушати подобаеть богови более, нежели [че]ловѣкомъ. Коли ся царь Саулъ на Ерея Ахимелеха и на сыны его розгневалъ, иже былъ принялъ Давыда, и ести ему далъ, и онъ мечъ, котори(м) Голиаѳа убилъ выдалъ, и велѣль Саулъ во крестъ стоящимъ служебникомъ абы которы

Дѣян: За(ч).еї

а. Цар: кѣ

59v
скочивши убилъ Ахимелеха и сыны его. Лечь ни
одинъ о(т) стоящи(х) царского повеленіа исполнити не ||
хотѣлъ, развеи Доикъ Ідумѣанинъ волю цареву нч(с)-
тивѣ учинилъ. Прото нема[е]ть слуга, або по(д)дан[и]
только на тое гледѣти естѣли господарь што велѣлѣ, але
естѣли повеленіе его згожаеѣся з божіемъ повелѣніемъ.
Теперь много людеи знаютъ правду, нижли господаровъ
своихъ дѣля, исповѣдати ее не смеютъ. Лечь таковыи
мѣлибы паметовати на слово \overline{X} во гдѣ рече, Не боитесь
о(т) убивающи(х) тѣло, $\overline{дшю}$ же немогущи(х) убити.
Убоите же ся паче могущаго и душу и тѣло погубити
въ геенѣ огньнѣи. Прото естѣли господарь указываетъ
або воину [сл]ужити, або подачокъ плачити, на оста-
токъ и в неволю повернути, маеть хрїстіанинъ терпети и
60 за нимъ $\overline{бга}$ молити. Але естѣли противу слова божіе||го
што чинити указываетъ, не буди яко Доикъ Сауловъ похле-
бца, не чини, хотя бы самому животъ брали. Укажетъ
ли твои господарь иконо(м) кланетися, паметуи против-
ное божіе слово. Не учиниши собѣ образа, ани ся ему
поклониши. А по Аплу. Бегаи[т]е о(т) ідолослуженіа.
Реч[е]тѣ ли господарь, призываи $\overline{стyx}$ ъ вже усопши(х)
на помочь, о(т)кажи, Господарь мои еси ты, але богъ
старейшыи $\overline{гдѣ}$ $\overline{гдѣ}$ ствующимъ, и царь цр(с)твующимъ, не
потому мнѣ велить рекучи, Гду богу твоему поклони-

За(ч): $\overline{рме}$

Маѣ: За(ч): $\overline{з}$

шися и тому единому послужиши. Ап̄лъ пакъ све(д)чить,
За(ч): с̄п̄в̄ яко единъ ходотаи богу и челоуѣкомъ, челоуѣкъ Іс Хс̄.
Потомужь и на иныи о(т)кажешь.

ПЫТАНЬЕ. ||

Што повинни родители детѣмъ, або врьдники по(д)да- 60v
нымъ своимъ?

О(Т)КАЗЪ.

Родителемъ Ап̄лъ тако науку даетъ што повинни детѣмъ,
За(ч): с̄л̄в̄: гдѣ къ Ефесіомъ пишеть. О(т)ци не раздражняйте ча(д)
своихъ, но воспитаите я въ наказаніи и въ научаніи
гднемъ. Три речи въ одно мѣсто spoiled Ап̄лъ што
повинни О(т)ци. Наперѣви выхованье, потомъ наказанье
або каранье, а на остатокъ науку. О выхованью або
выживенью, не надобѣ много говорити. Самое бо ес-
тество або прироженіе къ тому тягнеть о(т)ца и матку,
абы чадомъ выживенье давали. Лечь понеже того для
богъ людеи на свѣтъ попустилъ, абы его знали. Прото
не только тѣлу выживенья по||треба, але и науки наболеи 61
о бозе. Яко и въ законе написано. Скажеша слова божія
Втор: Зак: ̄ сыномъ твоимъ. Ино о(т)ци повинни ся о дети старати,
абы ся божественное науки научили. То есть, абы розу-
мѣли о бозѣ. о законе божіемъ, о блгвествованью або
о блгодати божіей, которую намъ о сыне своимъ даль,

Теже о страшномъ суде, и о вѣчномъ животе. К тому
еще повинни родители научити сыновъ свои(х) мастер-
ства або ремества якого побожного, абы о(т) него слушное
выживенье напотомъ мели. Тако бо тотъ же Аптль на
иномъ мѣсте повелѣваетъ, Да учать же ся и наши до-
брымъ дѣломъ прилежати в нужная требованіа да не
61v будутъ беспло(д)ны. Якобы рекль Апль, Нехай|| учаться
хрїстіане [н]аукъ потребныхъ, яко писанію, б̄л̄гословію,
потомъ ӣншіе судьба(м), лѣкар̄ству и инымъ почтивымъ
наука(м), тѣже и вонства, дабы церк̄ви напото(м) услу-
жити могли и умѣли. Видиши бо яко Апль повелѣваетъ.
Да не будутъ деи бесплодны. По нашему, Нехай не
будутъ непожиточные, але пожиточные. Паметуи же яко
не велить в̄печери лѣсти, межи звѣрь в̄пустыню утекати,
яко мнихи чинять и инымъ указуютъ, А на што бо сее?
Але хочеть Апль, абы есмо для спасеніа ближны(х)
нашихъ, межи нихъ живучи, всякие труды по(д)нимали,
часомъ и тур(д)ности терпели, вѣрою, и сповѣданіемъ и
62 послушество(м) свѣтили, Яко и Х̄с рече, Тако да про-
свѣтятся свѣтъ вашъ || пре(д) чл̄кы, яко да видятъ ваша
добраа дѣла, и про[с]лавятъ о(т)ца вашего иже е(ст) на
небесѣхъ. А яко бо божественнаа наука в̄ людѣхъ множи-
тиса и рости маеть, не будутъ ли Пророкы, Апостоли и
ӣншіе учителя, промешку людеи жити, але по кельямъ,

За(ч): та̄

Мат: За(ч): а̄и

по лѣсомъ, и кое гдѣ, дрѣмати, або блудити?

А што о(т)ци чадамъ, тое жь Господари по(д)даннымъ
кажньи своимъ повинни. То есть, яко добрый отецъ пи-
таетъ свои сыны, а к тому добрымъ обычаемъ, и ремесству,
навчаетъ. и въ наказанью держитъ, потомужъ и каждый
Господарь, Царь ли, князь ли, воевода ли, или бояринъ,
или мещанинъ, кто бы только мѣлъ по(д)даны(х), або
ли семью, повиненъ мовлю имъ сие три речи: || Напер- 62v
веи выхованье, пото(м) науку, а третѣе наказанье або
каранье. Выхованье повиненъ дати, хотяжъ не потому,
яко о(т)ци детемъ, але станеть за его, если оного не
здерешъ подачками, серейщизнами, пересудами, винами
безвинными, службами тяжкими, и иными вымыслами
бѣсовскими, не обложишь а не вытягнешъ. Але о люте
нашимъ обычаемъ. А кто таковъ теперечи е(ст) до по(д)-
данныхъ? Абы не дралъ <, > абы дивныхъ ѳортывель ко
вылупенью ихъ матности, не вымыслялъ? А кто на ста-
ри(х) а звиклыхъ повинностяхъ переставаетъ? Вси на
тое ся удали, абы великие доходы мели, а потомъ на
убогихъ вымучивъши, на непотребные речи утраты без-
мерные вѣдутъ, Иныи на собаки накла|даетъ, иныи на 63
непотребное будованье, иныи на шаты збыточныи, иныи
на пианство, або на строе, або на похлѣбцы, або на
игрю, а иныихъ речеи не годитъся и говорити, А тое

все о(т) поту, або ра(д)неи о(т) крови убогы(х) людеи мусить господарь а[б]о силою, або хитростию, вылупити. е(ст) тѣже и тїи, которїе на непотребные речи не тѣрають, але мѣхи скрини напыхають, даве(д)же не лейшеи за первы(х) чинять. О сихъ Апостоль тако пишеть, Ну бо нынѣ богатїи плачетеся рыдающеи о стра- стѣхъ ваши(х) грядущїхъ, Богатество ваше изгни, и ризы ваша молие поедоша. Злато ваше и сребро изо ржаве, и ржа и(х) во сведетел(с)тво противу вамъ будеть, и снѣсть плоти ваша яко огнь, и прочая. Плакатися ве|литель Аплѣ богатымъ. але рѣдкого знаити, котори бы плакаль або бы каяль ся того.

За(ч): ѿ

63v

Другая рѣчь которую повинни пановѣ по(д)данымъ, есть наука, То есть, повинни Господари старатися о по(д)даны(х) свои(х) абы и(х) было кому учити правдивое вѣры, Бо яко о(т) по(д)данныхъ мають часные доходы, такъ ояты мають имъ о духовны(х) промышляти, Але и тому повиноватеству своему Господари не чинять досыть. Одни ложнымъ учителемъ продають тые доходы, которие здавна на учителя надано. А ишїи подь себѣ забѣрають. Обои заровно грѣшять, А не только ижъ повинности своихъ не чинять, але тѣже ижъ стаа крадутъ, або красти позвалають. А убогїе люди великъ голодъ божїа слова терпятъ, и у старомъ блудѣ за таковы(м)

(64)

голодомъ укрепляются. Што на онъ часъ вы Господари о(т)кажете, коли на страшномъ судѣ, станете? Како личьбу о(т)дасте? Не вы ли у томъ в[инн]и, што по(д)-даные ваши Бга незнають? Покайтесь, покайтесь, боитесь суда божіа. Паметуите на Давыда цара. яко и самъ закона божіею училъ по(д)даны(х), и таковы(х) людеи которіе бы учили мѣль. Паметуите Соломона, яко долуле былъ не согрешилъ, идолослужениемъ, потому мужъ чинилъ, То есть, яко отецъ по(д)даны(х) и речію и писаньемъ училъ, такъ иже ся и Екклесиасто(м), то есть, казнодѣмъ написати не соромѣлъ. Возмите взоръ о(т) оногo блгоч(с)тивою Цара Іудейскаго Осіи. О томъ написано, яко самъ || вѣступивши на кресло высокое за- (64v) вѣщаль завѣтъ пре(д) гдемъ. То есть научаль по(д)-даны(х) своихъ слова божіею. Таковы(х) бы и теперѣ Царей надобѣ. Але діа[в]олъ не спить, забѣгаетъ тому яко можетъ, и умѣетъ, Верещить черезъ свои сосуды, яко не годиться господаромъ слова божіа ани учитися, ани людеи навчати. Не твое деи господарю дѣло. Лечь духъ стый у святомъ писанію не потому свѣ(д)чить, но всѣхъ к тому напоминаетъ, а наболей князеи или цареи и ины(х) господаровъ, абы законъ божіи разумѣли. А чи не тако дхъ стый на цари у псалмѣ вопиетъ, або кличетъ. И ныне царие разумеите, накажитесь вси судящие зем-

лю. Работайте г̄деви со страхомъ и радуйтеся ему со
65 трепѣтомъ. Прїимете || наказанїе, або поцѣлуите сына и
прочая. Бачиш ли яко духъ ст̄ыи повелѣвасть царо(м)
розумѣти, А придаеть нынѣ, абы не о(т)кладали. еще
велить таки им̄же наказатися, а дїаволь о(т)страшаеть
верескомъ своим̄. Не твоя рѣчь господарю. По третѣе
велить работати г̄деви. А какъ же лейшей царь или князь
поработаеть г̄деви. развеи естли подьданнымъ о(т)криеть
волю его, абы ю чинили. Опять у другомъ п̄алмѣ той
же дх̄ рече, ни на кого иного только на цари а на госпо-
дари, Возмете врата князи ваша и возмитесь врата вѣчь-
ная, да внїидеть царь славы. У томъ тѣже стиху пока-
зуеться, яко много на г̄дарѣх належить, коли отвѣрають
врата до своихъ земель царю славы, то есть, божїему ||
65v слову. То пакъ отвѣраеть княз ворота божїему слову,
коли ся о томъ стараеть, абы было кто бы оное пропо-
вѣдалъ. Але о томъ в̄же нехай будеть досыть.

п̄ало(м): к̄а

Третья речь, которую повинни Господари по(д)данным
своимъ, есть, по Апостолу наказание, але о томъ в̄же
вышшеи было.

Повинни тѣже по(д)даннымъ пановѣ оборону, але ся таа
закрываеть и розумѣеть по(д) выхованьемъ. Бо и покои
залежить ко выхованью, о которомъ вже е(с)мо мѣли.

Окромѣ того, повинни Господари стеречи обеюхъ до-

щоѣ заповедеи божїи(х), абы противу имъ по(д)даные не чинили. Повинни постановити и церкѣви и училища або scho[л]ы. Повинни карати Епискреовъ, їдолослужителей, лже учителей, волхвовъ || и кровокленущи(х)ся. Да не хаи обороняють цноту, миръ, маетности убоги(х), и суды нехаи чинять, потому, яко иные заповѣди учят. Абы не убивано, не чужоложоно, не крадѣно, ложне не посвѣдчано, абы тако миръ былъ межи люди. Бо и Аплѣ тако кѣ Тимоѣею пишеть. Молю убо прежд(д)е всего творити млтвы и моленїа, прошенїа, блгодаренїа, за вся челоуѣкы, за царя, и за вся яже въ власти сущи(х), да тихо и безмолвено житие поживемъ, въ всякомъ блговерїи и чистоте. Для того велить Аплѣ молитися за власти-телеи, абы есмо тихо и безмолвено пожити могли. Але не только тое обачь яко Аплѣ для мира молитися за господари указуеть, Лечь и тое розбачити надобѣ для чо||го миръ потребныи. Сего свѣта бо людие для тое причины миръ, або покои, любять, абы тако у роскошахъ а того живота сластехъ жити могли. Але Аплѣ не для того мира жадаеть, но абы ся вѣра Хва, а добрие норovy ширити могли. Бо тако рече, Да тихо и безмолвено поживемъ въ всяко(м) благоверїи и ч(с)тоте. Не рече въ всяки(х) сластѣхъ, збыткахъ и ины(х) таковы(х). Памятуи же для чога потребныи миръ или поко[и] христїа-

За(ч): спв

66

66v

номъ, абы ся заховати могло б̄лговѣрїе и чистота. То
есть, абы была слобода учити церковъ, наказовати мо-
лоды(х) людеи, и добри(м) норовомъ приставляти. Бо
тое дѣло потребуеть мира або покоя. Брань пакъ или
67 война мѣшаеть тые речи. Бо нельза людемъ сходитися
певны(х) часовъ на певные мѣста. Нельза наказанья
норово(м) постановляти, судовъ чинит, наставнико(м)
платити, дѣла кажного дозерати, приходовъ о(т)бѣрати,
естьлибы, мовлю, мира Богъ не даль. А на то(м) о
повинностехъ господарски(х) на тотъ ча(с) досыть.

ПЫТАНЬЕ.

Подданные опять што Господаромъ своимъ должни?

О(Т)КАЗЪ.

Наперѣеи повиннися по(д)данные за свои го сподари мо-
лити богу, яко есмо о(т) Апостола чули. Хотяжь добрие
будуть, хотяжь и недобрые.

67v Повиннїи и(х) справы на догрю¹² сторону выкладати,
а о ни(х) не мають лихо говорит[и] <, > || ани осужати.
Яко богъ Моисеомъ написалъ, Богомъ да не поруга-
ешися, и князю людеи твои(х) зла не речеши.

Исхо(д): к̄в

Повиннїи ихъ у великои ч̄ти мѣти.

Повиннїи имъ добра жычити.

¹² другую

Повинни имъ звѣклые подачки платити, и часу потреби незвѣклы(х) поступовати, только бы могли изнѣсти.

А коротко говорячи. Оное ся науки по(д)даные мають держати, которую даетъ Апль тако къ Римляно(м) пишючи. Роздадите всеи долги, емуже урокъ, урокъ, емуже дань, дань, емуже стра(х), страхъ, емуже честь, честь.

Потомуже дети родителей своимъ повинни служити, любить, слухати, надъ тое живити? приодѣвати, и всякую вчасность || чинити. Тѣже грѣхы ихъ закривати. Яко учинили сынове Ноего Симъ и Ёафеть, колися ихъ отецъ спивши виномъ обнажилъ, они закривши собѣ очи, и о(т)-вротивши лица своя, покрыли срамоту его. Тако повинни сыновѣ чинити о(т)цомъ своимъ, а по(д)даные господаромъ, ученици учителемъ, овцы паст[ыр]омъ. Лечь теперь по(д)даные в обычаю того не мають, хотяжь легкие грѣхы господаровъ свои(х) видять, гудять, и розширають а часомъ хотяжь чого не чинять на ни(х) складають, и на лихоимание и(х) нарѣкають. А того не обачають, иже тое сами у Бога заслугують, абы имъ таковые господари давалъ. Ёовъ бо пишеть, яко Богъ царствовати допускаеть челоуѣка лицомѣра, грѣхъ людски(х) || дѣля. А прото хотяжь бы Господарь былъ не устроилывъ, не мають по(д)даные о ни(м) клеветати, ниже его злоре-

Ёовъ: лд.

68

68v

чити, але покаатися а къ Богу молитися, абы сер(д)це господарское инуды повернуль, понеже у рука(х) его самого есть, Яко Соломон написалъ, Тои самъ накла- няеть [е]камо въсхочеть. Надобѣ, мовлю, по(д)даны(м) покаатися, а къ Богу навратитися. Бо таковы(м) об[е]- цаль дати пастыре по сер(д)цю своему. О чомъ у Проро- ка та[к]о рече, обратитесь къ мнѣ снове набрацающе(с) рече гдѣ, яко азъ обладати буду вами, и прїиму ва(с), единого о(т) [гр]а[д]а, и два о(т) рода. и въведу ва(с) на сїонъ, и дамъ вамъ пастырѣ по сер(д)цу моему, и пасти будутъ васъ пасаїи з разумомъ. Видиш ли яко по обы- 69 чаемъ людеи || даетъ имъ Богъ преложеные и пастырѣ? А такъ не маемъ на господари, естѣлибы тяжкие были але сами на себѣ нарекати и виновати.

ПЫТАНЬЕ.

Яко Богъ караетъ проступники сего пятого слова? То есть и о(т)цевъ або пановъ, и дѣти, або по(д)даны(х), коли не чинятъ повинностѣмъ своимъ досыть?

О(Т)КАЗЪ.

Обецаѣ Богъ карати, и караетъ уставичне яко дѣти непослушныя, тако родители недбалые. Потомужъ преложоны(х) и подданы(х), которие не памятують на свои урадь. А напервей о родителехъ, маемъ павзорь Илия

жерца, которые ачь са(м) былъ побожны, але иже сынов
а Цар: д свои(х) не казнилъ, || вельми бога розгнѣвалъ, иже и 69v
Богъ о(т) себе о(т)кинулъ.

Мат: За(ч). од Самъ гѣже Хс̄ повѣдѣлъ тако, Кто бы соблазнилъ еди-
ного о(т) малыхъ си(х), вѣрующа(х) въ мя, у нее ему да
обеситься жерновъ осельскій на выи его, и потон[е]тъ
въ пучинѣ морстеи. Потомъ о пастырѣхъ злыхъ явное
Езекі: г, лг письмо, иже тяжко мають быти карани. Наболеи у Про-
рока Езекіила тако им богъ мстити обещуетъ, Внегда глѣю
безаконнику смртію умреши, ты же не возвестиши ему,
ни съглѣши, крови его о(т) руки твоя взыщу.

А на ино(м) мѣсте у того ж Пророка тако написано,
Глав: лд Се глѣшь Адонаи гдѣ, Оле пастуси Іилеві. Еда пасутся
пастуси сами? Не овця ли убо пасут пастуси, Се || млеко 70
ядясте, и волною одѣвастеся, и тучное закаласте, а
овець мои(х) не пасосте. Не могагося не подясте, и
боляцаго не врачевасте, и сокрушенаго не обязасте, и
уязвенаго не зарастисте, и прочая. И на конецъ тако
рече, занеже не бѣ пастыря, ниже посѣщаху пастыри
стада моего, но пасошя пастыри сами себѣ, а овецъ
мои(х) не пасошя, Сего ради слышите слово гнѣ, Се глеть
Адонаи гдѣ, Се азъ на пастухи, и възыщу овецъ своихъ о(т)
руку и(х), и прочая.

Нехай бы погледели обои пастыри и духовные и зем-

ские до тое главы, аче и бы пилнеишими стали вряду
своего. Тое жь знаидешь у Пророка Їсаїи с початку
70v пророчества, гдѣ оныхъ князеи, которые для || посулъ зло-
чийчовъ не карають, обещаики татемъ зоветь. Читай
тѣче о пастыре(х) у того жь Їсаїи главу .нѣ. у Їеремїи
главу кѣ. у Захарїи главу .аї. И на иныхъ мѣстехъ.

Глав: а

Детемъ тѣже и по(д)даным не послушны(м) назначиль
богъ каранье у томъже словѣ, гдѣ рече, Естли хочешь
долго жити на земли. Яко и сами на око видимъ, ижъ
сынъ не послушныи, або которыи бы о(т)ца не чтиль, не
можетъ долго быти на свѣте. Велѣль богъ таковы(х)
убивати, а хотяжь урядъ не караетъ, пре(д)ся богъ
мститъся на(д) таковы(м), ижъ его або кто забиеть, або
повесять, яко Соломонъ бѣ¹³ притчаѣ написалъ, око ру-
гающиеся о(т)цу своему, и еже гордитъ плодомъ матеры
своея, выключють е вранове о(т) дебрїа, и иснедятъ е
71 птенци орли. И маемъ много таковыхъ взоровъ у свы-
ато(м) писанью, яко ся ни одному сыну не минуло, ко-
торыи въ чти о(т)ца своего не мѣль. Хамъ Ноего сынъ
иже ся спяного о(т)ца насмеяль проклять и с потомъ-
ство(м) на вѣки, абы былъ неволникомъ.

Исхо(д): ка

П[рит]: л

Бытя: ѿ

А весаломъ иже противу о(т)ца своего Давыда руку
подняль, на деревѣ за волосы повисль и убить.

в Цар: иї

¹³вѣ

в Цар: а̄ А малехитянина велѣлъ Давыд̄ убити, иже сам̄ на себѣ
сказалъ яко Царя Саула убилъ.

Числ: в̄і Сестра Моисеова Маріам̄ прокаженіемъ о(т) Бга ска-
рана была, иже противу Моисѣа врьдника говорила.

При(ч): [к]д̄ Прото Соломон̄ написалъ, Бои ся гд̄а сыну мои и Царя,
и съ насмѣвачи не дружи||ся, яко скоро приходитъ по-
гибѣль и(х). Корея, Даѳана, и Абирона земля живых̄

71v

Числ: с̄і пожарѣла, иже противу Моисѣя и Аарона репѣтали.

За(ч): ра̄і За наше уже памяти у Нѣм[е]цки(х) сторонахъ
докольки десять тисечеи людеи сельски(х) убито, иже
были вѣстали противу господаром̄ своимъ. Павель бо

Мат: За(ч): р̄і Ап(с)лъ рече, противляющеися власти, собѣ судъ прі-
емлють. Тое же и самъ гд̄ь къ Петру поведѣлъ, Все
пріемшеи ножъ, ножемъ погыбнуть. Тои пріимаетъ ножъ
или меч̄, кому его Богъ не даетъ, але ся самъ занъ бе-
реть. Яко розбойники, и вси которіе силою люди подъ
себѣ забирають, а собѣ им̄ служити велять.

ПЫТАНЬЕ. ||

Што тым̄ будетъ, они же тому пятому слову послуш̄ни?

72

О(Т)КАЗЪ.

О(т)ци которіе чада своя по повеленію бобожіему, в̄
благовѣрїю и в̄ наказан[і]ю, выховывають, великою по-
томъ потѣху с̄ ни(х) мѣвають. яко дх̄ъ ст̄и Давыдо(м)

обещалъ, гдѣ тако пишеть, Жена твоя яко лоза плодovита, въ страна(х) дому твоего. Сынове твои яко новорасли маслинныя окрест трапезы твоя. Соломонъ теже рече, Сынъ мудрыи возвеселить о(т)ца. Тако былъ Богъ Іакова увеселилъ, Егда увидѣлъ сына своего Іосифа всея земли Египетское гдаремъ. Потомуже Давы(д) веселъ былъ, коли Соломона на престолѣ своимъ узрелъ. ||

ψало(м). р̄св

Прит: і̄<, > е̄і

Бытя: м̄с

г Цар: а̄

72v Пастыромъ тѣже добримъ обещуетъ Хс, яко будутъ мѣти часть у царствіи нбсномъ. Тако бо у притчы рече Блазень рабъ той, егоже прише(д) господи́н его, обращеть тако творяща, Аминь глю вамъ, яко на(д) всѣмъ именіемъ свои(м) поставитъ его. А въ притчы о талантѣхъ, оному который пятію талантъ другую пять принялъ, то е(ст), который много людей к бгу наверхнулъ, тако рече, Добрыи рабе, благы и верныи, вниди въ радость гда своего. Даніиль тѣже пишеть, яко учени процвѣтутъ акы свѣтъ нбсныи. И кои къ правдѣ научаютъ многихъ, акы звѣзды въ вѣчныя вѣчности.

Мат: За(ч): р̄г

Мат: За(ч): р̄с

Дані: в̄і

73 Господари которіе по(д)даныи свои(х) любятъ право судять, и уряду своему досыть || чинять, не могутъ безъ того быти, абы имъ богъ не блгославилъ. Яко Самуиль къ Саулу и по(д)даны(м) его рече. Будете ли ся бояти гда, и порабotaете ему, и послушаете ли гласа его, и не о(т)вержентелися словѣсъ его, будете и вы и Царь

а Цар: в̄і

иже цр̄твуеть на(д) вами наследующе гд̄а б̄га вашего. То
есть, б̄лгословени будете во всѣхъ дѣлехъ своихъ, и царство
долго стояти будеть.

Прит: кѣ Тое жь написалъ Соломонъ, гдѣ рече, Царь ои же
судитъ въ правдѣ нищимъ, престоль его въ вѣки укреп
пится.

Справедливымъ господаро(м) даетъ богъ и долгие лѣта,
Прит: ки яко тои же Соломонъ рече, Царь ои же возненавидитъ
неправды, долго время поживеть.

Таковымъ господаро(м) даетъ богъ силу || на и(х) враги,
яко Давыду, Езекию, и прочимъ.

73v

ψало(м) раі Даетъ имъ и потомство, яко написано, силно на земли
будеть семя его, родъ праведныхъ б̄лгословиться, слава
и богатество вѣ дому его.

Потому жь и чада або молодые люди, мають и обет
ници многие и приклады. Яко напервѣи у томъ же таки
словѣ, придана есть обетница, гдѣ богъ рече, хочеш ли
долго пожити на земли. Котори(х) словѣ не маемъ собѣ
такъ легко важити, але имъ достаночне верити, и жь то
певна речь, кто послушенъ старшимъ, того богъ на земли
долго заховуетъ, и всѣмъ его дѣломъ б̄лгославить. Яко
на взоръ маемъ сыны. Ноя, Іафета и Сима, которимъ богъ
б̄лгославиль, иже о(т)ца своего въ учтиво||сти
мѣли.

74

У пророки Еремїи о сынех [І]онадавовыхъ написано, иже вина пити не хотѣли того для яко имъ отецъ былъ заповедѣлъ. А ижъ вельми статочнїи у томъ были, велѣлъ имъ богъ Еремїи тако поведѣти, Се глеть гдѣ, Понеже послушаша сынове Ионадавли сына Рихавова, заповеди о(т)ца своего творити, елико заповѣда имъ отецъ ихъ, не оскудѣть мужъ сыновъ Іонадавли(х) сына Рихавля, пре(д)стояи пре(д) лицомъ моимъ, вся дни земля. Мели бы сынове, и вси которїи на(д) собою Господаровъ мають, добре на тотъ взоръ памятали, абы верили, яко и(х) послутейство которое старшимъ чинять, есть речъ вельми богу вдячнаа. Которую о(т) нихъ тако || прїимаетъ, якобы тое ему самому чинили. Прото бо и Апломъ поведѣлъ, иже васъ приемлетъ, мене приемлетъ. Апостолъ теже паробко(м) тако пишетъ, абы своимъ господаро(м) не такъ служитли яко челоуѣко(м) але яко самому Хрїсту. Великая то есть потѣха и неволникомъ, коли вѣдають, иже и(х) послуга, или работа, подобается богу.

Іерем. лѣ

Мат: За(ч): лѣ

За(ч): слѣ

ПЫТАНЬЕ.

Говори шостое слово божи(х) заповедей?

О(Т)КАЗЪ.

Шостое слово есть, Не убиеш.

ПЫТАНЬЕ.

Яко ся тое слово розумѣть?

О(Т)КАЗЪ.

75
Тако ся розумѣть, яко самъ Хс̄ толкуеть, гдѣ рече,
Слышасте яко речено бысть древнѣимъ, Не убиеша, иже
бо аще убиеть повиненъ е(ст) суду, Азь же глѣю вамъ, яко
всякъ гнѣваяся на брата своего всеу, повиненъ естъ суду,
а иже аще речеть брату своему, Рака, повиненъ естъ
снмищу, А иже речеть, юродѣ, повиненъ естъ гееннѣ
огненей. О(т) си(х) словъ самого гдѣ латвѣ вырозумѣти,
иже убѣиство естъ, не только рукою або оружіемъ кого
убити, или только бити, але тѣже слово прикрое або
сромотное на кого выговорити, або ся гнѣвати, або кому
завидѣти, естъ убѣиство. которого у симъ словѣ богъ
заказуеть. Бо елибы только рукою бити, або шкоди-
ти, ближнѣму заповѣдалъ, ино бы только рукамъ далъ
Богъ тую заповѣдь, На тотъ || обычаи, Не подоимешъ
75v
человѣче рукъ твоихъ на ближного своего. Але не тако
рече, но просто, Не убиеша. Якобы тако реклъ, Ты че-
ловѣче со всѣми чувствы, члѣнками похотями, и
страстьми твоими, не убиеша. А тое естъ правое того
слова вырозумѣнье. абы есмо ни жаднымъ обычаемъ
здоровью душному и тѣлесному ближного не шкодили,

Мат: За(ч). вѣ

ани ему завидели, ани ся на него гнѣвали, ани проклинали, але ему здоровья тако яко собѣ зычили.

ПЫТАНЬЕ.

Которие суть добрие дѣла того шостого слова?

О(Т)КАЗЪ.

76 Яко убїиство есть розно, одно на души, а другое на тѣле, Тако и дѣла добрие || тое заповеди, двоякие суть. Духовные и тѣлесные. Тѣлеснаа рѣчѣ есть, не убити на тѣле, не пособити бичючому, не радити на убїиство, боронити оныхъ котори(х) бы кто кривдити хотѣлъ, часу голоду выховати або выживити, На водѣ, або часу иншое пригоды, ратовати, добрие суть дѣла, але тѣлесные, которие и невѣрнїи чинити могутъ. Даве(д)же и такихъ дѣлъ богъ по насъ хочеть, абы людие промѣжку себѣ су покоемъ жили. Опять духовные дѣла залежать въ божїеи боязни, въ вѣре и въ познанью Хрїста, чинити по сему слову. То есть, не держати гнѣву на сер(д)ци своемъ, не мыслити о помѣстѣ, жаловати о(т) правды обидимыхъ, 76v хотети ихъ боронити и онымъ посо[би]ти, латве о(т)||пушати васъни або гнѣву не держати.

ПЫТАНЬЕ.

Которие суть грѣхи противу шостого слова?

О(Т)КАЗЪ.

Потомужь яко добрие дѣла, и грѣхи одны вѣнутренне а иише зверховные. Зверховные грѣхи быти розумѣи, не урадовне тѣло чие, како ли будеть, вередити. Пособляти или хвалити обиду, або кривду. Не боронити и(х)же боронити маеть. Грѣшять теже нерозумные лѣкари, Аптыкари, и барбири, которіи не знаючи зелье або лѣкарство дають шкодливое. Грѣшять тѣже Цари, коли несправе(д)ливую войну зачинають. Опять вѣнутренне грѣхи суть, мѣти хуть на мысли своеи зашкочити кому, тѣже възненавидѣти кого, зла ему зычити. не жаловати¹⁴, миру межи людеи не жадати, не згодам ся радовати, и иные таковыя.

77

ПЫТАНЬЕ.

Грѣхъ ли есть убити розбойника або иного которого злочинцу?

О(Т)КАЗЪ.

Урядъ о(т) бога на тое есть избранъ, абы злы(х) караль, а добримъ покои чиниль. Прото урядъ не грешить коли злыхъ караеть, не только винами, битьем, але и смертію. Але кто бы на враде не будучи, злочинцу убилъ, безъ грѣха быти не можеть. Бо нѣ маеться никто свои(х)

¹⁴жаловати

шкодь, або кривдъ, самъ мстити, ани собѣ меча брати.

77v Яко вышшеи речено естъ. У Моисея тѣже написа||но, Вотр: Зак: лѣ
яко бгъ рече, Мне о(т)мщение, и азъ въздамъ. Тое жь и
Ап(с)тль припоминаеть. Которими словы бѣ заказуеть,
абы ся никто своеи кривды не мстиль але богу помѣсту за-
ховаль. А Богъ черезъ урядъ мститися, коли тои злыхъ
караеть.

ПЫТАНЬЕ.

Ино хотябы розбоиникъ билъ не отниматися ему?

О(Т)КАЗЪ.

Уря(д)ники по божіему роѣказанью повинни ся о то(м)
пилно старати, абы розбоевъ не было, яко вже речено.
Даве(д)же еслибы ся пригодило хрїстианину, жебы на
него розбоиникъ прішолъ, и хотѣл бы му животъ взяти.
ино маеться тогда потому заховати, яко ся стїи патри-
78 архи в таковыхъ пригода(х) захо||вали. Яко о Іакове
написано, ижъ ся боронилъ ангѣлу, домнимаючи абы
рзбоиникъ, У котромъ взоре двѣ речи обачь, напервѣи
ижъ патриархъ не ждалъ ажбы его билъ розбоиникъ, яко
и онъ розумѣлъ, бо бы тое было Бога искушати, але ся
с нимъ взялъ и о(т)пѣралъ ему яко могъ. А другуя речъ
обачь, яко Іаковъ не стоялъ на животъ розбоиника, але
только якобы самого себѣ оборонилъ. Прото и Храїинъ
Бытя: лѣ

мо¹⁵ можетъ своего живота боронити, але на чужїи животъ нѣ маеть стояти. Даве(д)же если ся кому за неволею а не обаченьемъ пригодило такового непрїятеля убити, мовлю боронячися, а не хотячи убити кто убиешъ, домнимаю яко таковое убїиство о(т) вряду не маеть быти кара||но. и пре(д) бого(м) меншеи таковыи убїица повинень, поневажь и по(д) законо(м) обраѣ былъ богъ певные мѣста, на которіе таковские втекали, они же не хотя убивали. А не только тое, но и явне написано, естлибы кто татя влавывающагося в до(м) его в ночи убилъ, невиней крови его. А естли таков о(т) крови татя, он же только маетности о(т)нимаетъ, слободень, далеко подобней оному быти волному, кто розбоиника, на пусто(м) мѣсте, на животъ и на маетность [в.]тавшего, с̄ пригоды убилъ,

78v

Иско(д): кв

ПЫТАНЬЕ.

Годить ли ся ханом воевати, або не? Бо о си(х) написано, О(т) Сїона изидеть закон, и сло[в]о гдне из Іер(с)лима. И разсудить посредѣ языкъ, и обличить люди многы. И || роскуют мечя своя на леметя, и копіа своя на серпы. И не воздвигнут языкъ на языкъ меча, и ненавыкнуть к тому воевати.

79

¹⁵мо は不要

О(Т)КАЗЪ.

Колибы вси люди х̄ане истин̄ни были, не было бы на-
добе, ани судеи, ани ины(х) ура(д)ников̄. Бо правыи
Хрї(с)тіанинъ маеть любов̄, котораа по Ап(с)лу не за-
видить, не пеняеть, не гор̄дїтъся, не злообразует̄ся, не
ищет̄ свои(х) речеи, не дражит̄ся, не в̄м̄ѣняет̄ злого,
не радует̄ся о неправд̄ѣ, радует̄ же ся истин̄не, все лю-
бить, все тер̄пїть. Гледи жь, колибы такови вси были
мовлю, се есть, колибы вси истин̄ными а о(т) правды
Х̄ами были, а на штобы таковим̄ судья? т̄м̄ же образом̄
и о воин̄ѣ розум̄ѣи, а я|кобы тїи воеватися ум̄ѣли, ко-
торїи ани завидуют̄, ани злого за злое прїимают̄, вси
кривды тер̄пят̄, вся любят̄. Наболеи иже не было бы
и крив̄ды кому чинити, колибы мовлю вси людие учи-
нилися Х̄анми не пов̄р̄ху толкьо, но о(т) правды съ
всего сер(д)ца. Але понеже Х̄ане мусят̄ всегда, докуле
зд̄ѣ на земли будут̄, межи злых̄ людее жити, яко добрие
рибы посреди злых̄, по х̄в̄ѣи прїт̄чи, того для и урад̄-
ники, и воины у ни(х) быти мусят̄. Прото и Крести-
тель ст̄ый Іоаннъ, коли его драбы, или люд̄ь служебнїи,
воспросили штобы чинити им̄ѣли, не вел̄л̄ абы служ̄бу
воен̄скую покину ли, але абы воину служачи сие, три
речи заховали, никого не обидили, ни оклев̄тали, а
доволни были оброки || своими. Даве(д)же не каж̄ное

За(ч): р̄на

Мат: За(ч) н̄а

Лука: За(ч) ѿ

воины Ханинъ служити можетъ. Бо часо(м) война быва-
еть несправе(д)ливаа. Яко коли Тыраннъ, или мучитель
какьи гордыи не переставаючи на своемъ паньствѣ, чужие
города, княства или земли силою забираетъ. Таковое
воины служити Ханину не годиться. Бо таковаа война
есть розбой. А кто бы тамо человѣка, хотяжь не Ханіна
убиль, вередиль, аво¹⁶ обидиль, тои про тиву шестому
слову божіему, убійство пополниль. Мучитель пакъ иже
безвинне брань зачинаетъ, только убійствъ
долженъ пре(д) бого(м), колько тамо головъ ляжетъ,
Опять справе(д)ливаа война есть, коли не для гордости,
не для лакомства, але для обороны предѣловъ || своихъ, 80v
Король или Княз оружие противу врагомъ своимъ беретъ,
о(т)пѣраючи имъ. абы по(д)данныхъ его не мордовали,
не вязали, вѣ полонъ не гнали, женамъ и девицамъ на-
силаа не чинили, церкѣви не потребили, детеи не спога-
нили, або не побии, градовъ не спустошили, учителей не
розгонили, и всякого чину доброго не помѣшали. С тыхъ
причинъ, а на таковы(х) людии слушнаа бываетъ война,
можетъ ее Ханинъ з доброю совѣстию служити. Сее
пакъ пророчество не стоитъ противу тому, ани о(т)ни-
маетъ Ханомъ оружїа еже на врагы, але о любви кажетъ,
которую промежку себѣ мѣти долъжни, яко есмъ вже изъ

¹⁶ або

81 Апостола пріводилъ. К тому ознамуеть Ісаіа пожитокъ науки Евѡнгелское, котораа о(т) Сіѡна изыти мѣла, иже которіи ее пріимуть, упокоини, а чиши, быти мають.

ПЫТАНЬЕ.

Яко богъ караетъ они же непослушні сего шостого слова?

О(Т)КАЗЪ.

Напервыи убійца былъ Каинъ, который ачь еще до сее божіеи заповеди брата убилъ, предъся у великіи гнѣвъ божіи для того упалъ, бо и о(т) о(т)ца о(т)лучилъ и о(т) всѣхъ побожны(х) птомковъ его, и знамя на него възложилъ, абы ся его вси острегали, а с нимъ не общовали. Але посомъ тяжшую муку убійцо(м) самъ богъ пошле потопа придалъ, тако къ Ноеви рекучи, Кто изъ

Бытя ̄

81v По образу божіему создаѡ ѡестъ человѣкъ. Потомужъ и в законѣ поновилъ богъ тую муку. А хотяжъ часомъ злыи урядъ не караетъ убійцовъ, або для посуловъ [,] або иного чого, предъся самъ богъ караетъ и убійцевъ и дружину ихъ, сиречь, урядъ. Не можетъ бо того не каравши спустити. Яко къ Каину самъ рече, Что сътворишь еси, се гла(с) крови брата твоего вопиетъ ко мнѣ о(т) земли. Іерлѡимъ такъ славныи горо(д) и называемыи

стыи. о тоє богъ скараль, яко убїиство в̄ немъ пановало. Яко Хс сам̄ повѣдѣль. Їерлимъ, Їерлимъ избивы про- роки каменїем̄ побиваа посланья къ нему, коль кратъ въсхотѣх̄ собрати чяда твоя, якоже събираеть кокошь птенця своя поъ крилѣ, и не въсхотесте? Се оставля- етъ||ся вамъ домъ вашъ пустъ, и прочаа.

82

Авак: в̄ Потомужъ и на Вавилоѣ у Авакума богъ рече, понеже ты пленилъ страны многы и пленять ты вси оставшіися людие, крове дѣля члчя.

пало(м). нд Давы(д) теже написалъ, яко мужи крови и льстиви на- полы не поживутъ днєи свои(х). Коротковъ говорячи караеть богъ розличне убїиство и полно о томъ вездѣ у стомъ писанью, и на око сами видимы, яко бгъ и тайны(х) убїицѣвъ дивными обычаими выявляеть.

ПЫТАНЬЕ.

Што онымъ будетъ которїи того слова шостого стере- гуть? То естъ, которїи не забиваютъ, але милосердїе на(д) ни(м) чинять, боронять, радою, лѣкарство(м) осте- реженїемъ и иными обычаими ему помагають, гнѣвъ о(т)пущають, а коротко и на тѣле и на души оживляють, што мовлю таковымъ будетъ?

82v

О(Т)КАЗЪ.

Мат: За(ч): і Тїи безъ о(т)дарованья быти не могутъ, самъ бо спа- ситѣль рече, Блажени мл(с)тивїи, яко тїи помиловани

будутъ. А на иномъ мѣсте рече, о(т)пускайте, и о(т)-
пустятъ вамъ.

Лука: За(ч): к

ПЫТАНЬЕ.

Говори семое слово божіи(х) заповедей?

О(Т)КАЗЪ.

Семое слово есть, Не любы деи, або не чужоложь.

ПЫТАНЬЕ.

Яко ся тое слово розумѣть, а чого намъ здѣ богъ за-
казуеть? ||

83

О(Т)КАЗЪ.

Потомужь яко и иные вси заповеди. Се есть, тако розу-
мѣти, яко Хс самъ толкуеть. То есть, ижь не толко ч-
еловѣкъ на тѣле о(т) блуда чистъ быти маеть, але и
на сер(д)ци, а на души. Бо тако рече, Слышасте яко
речено бысть прѣви(м), Не прелюбы сътвориши, Азь
же глѹ вамъ, яко всякъ иже възреть на жену съ похотію,
уже любы деиствова с̄ нею въ сер(д)ци своемъ. А о(т)
ты(х) словъ розумѣти можемъ, кто тое слово исполняетъ,
а якового послушества богъ по насъ хочеть.

83v

Другаа надобѣ памятовати, иже ся двоя рѣчь у томъ
словѣ яко и въ ины(х) заховуеть. перваа речъ чого богъ
заказуеть. Другаа рѣчь которую мѣти хочеть. Бо || мало

на томъ, иже кто не блудить, а пре(д)ся на сер(д)ци похотию горить, потреба абы того не мѣлѣ, то есть, абы жону понялъ, яко Апѣлъ рече, Добро есть женѣ не прикасатися, любодѣаніа же, единыи каждыи свою жену да иматъ. А мало нижеи, Лепеи е(ст) женитися, нежели разжигатися.

ПЫТАНЬЕ.

Которие суть дѣла добриа сего слова?

О(Т)КАЗЪ.

Наперѣви чистоту заховати на сер(д)ци свое(м). не мыслити о плюгаствѣ и о всякои нечистотѣ, але только о чѣтотѣ.

Жону свою миловати, а жонѣ мужа, а не только миловатися долѣжни, але и в учтивости ся мѣти, вѣрю собѣ заховати, ѿ стыдѣ межи собою дерѣжати. ||

Опять оны(х) речеи стеречися которие къ блуду приводятъ, або къ розжиганью, или нечисты(м) мыслямъ. Яко

За(ч): ркѣ Апѣлъ рече, Не упиваетеся вино(м), в не(м)же есть блудъ.

Лук: За(ч): рз Потомуже и са(м) Хс рече, Вънемлете себѣ, да некогда отягчаяютъ сер(д)ца ваша объядѣніемъ и пианство(м), и печальми житеискыми. На остатокъ потому справовати свое тѣло, абы было осбитѣль стого дѣха. Сие суть добрие дѣла сего слова.

ПЫТАНЬЕ.

Которие суть грѣхи притиву сему слову?

О(Т)КАЗЪ.

Наперѣеи есть грѣхъ, на сер(д)ци неч(с)тоту мыслити. Потомъ слова плюгавые говорити. Пѣсни сromoцьские пѣти, Корогоды водити, плясати, и таковаа чинити. || Бо сие дѣла къ блуду тягнуть человѣка, и прото ихъ богъ у томъ словѣ заказуетъ чинити.

Опять грѣхъ есть мужу о(т) жоны а жене о(т) мужа выступовати.

Грѣхъ есть жоны, кому ее надобѣ, не взяти. Бо таковъ мусить всегда розжигатися, а таковое розжитание есть грѣхъ пре(д) богомъ.

Грѣхъ есть жону о(т)пущати, развѣ блуда дѣля негрѣхъ.

Грѣшати и они котории для убожества своего жени- тися не хотятъ.

Грѣшати противу тому слову, вси нечистїи любодейци, прелюбодѣици, мужоложници, скотоложници, содомляне и прочїи. ||

ВОПРОСЪ.

Что за казни бгъ допускаеть для нечистоты, або прелюбодѣйства.

О(Т)ВѢТЪ.

Въ законѣ велѣлъ бгъ таковы(х) каменіемъ побивати.

Глава. кв. Яко нанисано в' пятой книзе моѵсеовѣ: Але и по вся вѣки каралъ бгъ нечистыя люди. Яко на первіе весь свѣтъ не для жадное вины потопилъ: толко для ідолослуженія, обиды нищихъ. а для плюгаства: На содомъ того жъ дѣдля бгъ огнистый дождь спусти(л).

Бытія лд. Сихемъ сынъ емморовъ взялъ силою дочку іакова дину, и насиліе ей учинилъ. Але опять братія ея сѹмеонъ и леви, для того дѣла, не толко сихема, но и оца его и весь Городъ выбили. ||

Су(д): к. Въ судіяхъ написано. Яко одного леувита жену мещанье гаваонскіе о(т) колѣна веніаминава споганили, и насиліемъ заморили. даве(д)же за тое о(т) колѣна веніаминава. кѣ тысящей мужей убили снѹве й илѣвы жен паки мало зосталося.

85v

д. Па(р) вї. Снѹве илѣвы жидуши в' пустыни допустилися блуда с' дочками моавскими. але ихъ для того двадесять три тысящи згинуло. Двѣдъ за прелюбодѣяніе много и с по(д)данными своими утерпѣлъ.

д. Па(р). дї. Снѣ двѣддовъ аммонъ сестре своей фамаре насиліе учинилъ: але скоро о(т) весалома убить.

Бы(т). мѣ. Іаковъ сна своего рувма проклялъ иже постелю его осквернилъ.

Полно таковы(х) казнѣ у сто(м) писанію. але || со всихъ нагоршая казнѣ есть иже вси нечистіи естѣли ся не покаю(т) животъ вѣчный себѣ потеряютъ. Та[к]о бо аплѣ пишеть: Ни блудницы, ни прелюбодѣи, ни тѣлосквернители, ни мужеложницы: црѣствія бжїя не наслѣдятъ. Той же к' Галатомъ рече: Явна суть дѣла плотская: Яже суть прелюбодѣяніе. блудъ. нечистота. скверневство. таковая творящїи цр(с)твія бжїя не наслѣдятъ.

За(ч). рлд

За(ч). свї

Потому же и ко евреомъ пишеть: Блудникомъ и прелюбодѣемъ судитъ бгѣ. а на иномъ мѣстѣ свѣдчи(т), яко для блуда, нечистоты, руйности, и иныхъ, приходитъ гнѣвъ божїй на сыны противленія. сіе грозбы велми суть страшны, а пред'ся ихъ собѣ люди мало вожать. ани мають || за грѣхъ нечистоты. але хр(с)тіанинъ маеть вѣдати: Яко часу своего всѣхъ таковыхъ бгѣ скараеть. самъ бо рече у пророка: азъ есмь г(с)дѣ бгѣ вашъ не измѣнюся. Если преже караль, и теперь карати будетъ. Прото обачися кажный что чини[ш]тъ, не разгнѣви собѣ г(с)да, не кохайся в нечистотѣ <.> [П]ослухай словъ ап(с)лскихъ гдѣ рече: Не вѣсте ли яко тѣлеса ваши удове хр(с)товы суть. Тѣмъ ли уго¹⁷ уды хр(с)товы сотворяемъ уды любодѣйца да не будетъ. или не вѣсте яко прилѣпляйся любодѣйцѣ, едино тѣло есть. Бѣгайте

За(ч). тлг.

86v

За(ч). рле

¹⁷убо ѡ

любодѣянїя <.> Всякъ бо грѣхъ иже аще сотворитъ члкъ, кромѣ тѣла есть а творяй любви. во свое тѣло согрѣшаетъ. или не вѣсте яко тѣле||са ваша храмъ иже в' васъ стому дху есть. егоже имате о(т) бга.

87

Вопросъ.

Что тымъ будетъ, они же сїе слово полнятъ.

О(т)вѣтъ

Ма(т)ѣей.

За(ч). і

Іоа(н). ̄

За(ч). с̄пв

За сердечную чистоту обѣцуетъ самъ хр(с)тосъ великое блженство гдѣ рече: блжени чистїи ср(д)цемъ. яко ти бга узрятъ, а над' тое и тѣлесными речми такихъ людей бгъ богатитъ, даючи имъ слушное выхоуанье. Яко хр(с)тосъ даль знати будучи на брацѣ у канѣ Галилїйской. Бо егда имъ не достало вина, пособиль имъ учинивши з воды вино. Не малая теже ес(т) ласка бжїя, иже чистыхъ людей тѣла чинитъ храмомъ стаго дха <.> Потому(ж) и жены мають обетницу, || которые в' мал'женствѣ живутъ, вѣрю мужемъ заховуютъ. а о дѣте(х) працу приимають. Тако бо ап(с)тль рече: жена спасетя ради чадородїя. аще пребудетъ в' вѣрѣ и любви. и во стыни с' цѣломудрїемъ.

87v

Видиши ли что дхъ стый жена(м) обѣцуетъ: разумъ чловѣчїй. за мерскую рѣчь почитаетъ чадородїе. а

дѣвство за аггльскій животъ ма(е)ть. але здѣ не по-
тому стѣй дхѣ судить. спасетсѣ дей жена чадородія
дѣля. о(т) которы(х) бы словѣ могли людѣе зацность жен-
итвы познати. Яко тот же ап(с)тль ко евреомъ
пишетъ: Честна женитва во всѣ(х) и ложе не скверно. За(ч). тлг.
Гдѣ рече во всѣхъ, разумѣй якобы рекль ме(ж) всѣхъ
и иного не вымаючи.

Вопросъ. ||

88 Говори осмое слово божіихъ заповедеи.

О(Т)КАЗЪ.

Осмое слово естъ не украдеши.

ПЫТАНЬЕ.

Яко тое розумѣти маю? Чого нам здѣ боронить Богъ?

О(Т)КАЗЪ.

Хочеть богъ, абы каждаи человекъ маетность свою
мѣль у моцы своеи. А одинъ у друга абы хитростию,
здрадою, пеняньемъ, и коемъ ли инымъ обычаемъ, не
бралъ. Опять и тое ся тутъ же замыкаетъ, абы(х)мо часу
потребы ближному нашему маетности наши(х) удѣляти
не жаловали. Бо на то(м) мало, естлибы кто чужого
не бралъ, а сво[ег]о бы убогому не узычалъ. Обе речи
маеть хтѣанъ заховати, Напервѣи, абы чужого не хотѣль,

а другаа речъ, абы своее || маётности, гдѣ надобѣ, дати не жаловалѣ. Кто потому не чинить тои противу того слова грешить.

88v

ПЫТАНЬЕ.

Которие суть грѣхи противу тому слову?

О(Т)КАЗЪ.

Яко розные суть mezi людеи станы, або повинности, тако розные и грѣхи противу тому слову, или злодѣства. А мает ли ся правда мовити, рѣдко не въ вси(х) станехъ наидуеѣся злодѣство. Возри наперѣви на станъ Учительскіи або Пастырскіи, вси ли верне пасуть стадо $\overline{Xво}$? вси ли правды учять, Небольшая ли ча(ст) Учителеи¹⁸ которіи для чрева безленицъ учять? Пастыри пакъ не себе ли пасуть? Укажи ми прошю тебѣ Еп(с)па, которыи бы слово бо $\|$ жіе проповѣдалъ? Лечъ я вѣдаю, ижъ такового у си(х) сторона(х) одного не знаидешь. Многы(х) найти можешь што ся на Епископие, на Митрополие, на Архимандріе, накупують, але которыи бы словомъ божіемъ стадо $\overline{Xво}$ паствилъ, укажи ми одного. А какъ же и(х) назвати? Вѣдаю яко ся вамъ гнѣвати, але васъ пре(д)ся самъ $\overline{Xс}$ розбоиниками и татьми, се есть злодѣями зоветъ. Бо тако рече, Не входяи дверми въ двор

89

¹⁸учители

овчїи но прелазяи инудѣ, тѣи тать естѣ и разбоиникѣ, а въ ходяи дверѣми, пастырь естѣ овцамѣ. О(т) же маешѣ яко таковы(х) Хс̄ зоветѣ, которїи не про дѣвери до овецѣ входятѣ, але инуды, то естѣ, черезѣ посулы приходяѣ на Епископие, або на иѣшые пастырства. Прото наперѣ-||
 89v вей ся злодеиство межи духовны(х) пастыровѣ находить. А еше и тое обачити треба, яко не просто злодеиство пополняють, але двой часто. Бо иже не научають, крадутѣ правду пре(д) людѣми, А другое злодеиство, иже именѣя церковного вживають, а за тое досыть не чиняѣ. А тымѣ обычаемѣ и въ духовны(х), и въ дочасны(х) речахѣ окрадають убогихѣ хр̄тианѣ.

Потомужѣ о преложоныхѣ светски(х) розумѣи, естѣли бы на звыкыхѣ приходѣхѣ не переставаячи, не помѣре подачки на подѣданныхѣ вымышляли, наболеи безѣ военное потреби.

Крадутѣ по(д)данные пановѣ свои(х), если имѣ подачковѣ несправе(д)ливе о(т)давають, естѣли незычливе робяѣ, або иныхѣ повинностей || своихѣ не дѣлають.
 90

Крадутѣ ремесники если не побожне свою роботу продають.

Крадутѣ куйци и торговци, которие злыми товари людеи подманывають, або за малую цену у просты(х) людеи какую речѣ берутѣ.

Крадутъ которіе хлѣбъ напра(с)но едятъ, а ничего не робятъ.

Крадутъ калѣки, которіи могучи работою покорѣмитися, не хотятъ робити, але жебрують.

Крадутъ лихвари, которіи взаєм грошей давають, але о(т) ни(х) гостинци або резъ. то есть, лихву берутъ.

Крадутъ костыри и вси играчи, которіи костками, або картами, або чимъ инымъ || маетности чужіе о(т)нимають. 90v

Крадутъ мытници, если большеи нежели имъ уставлено вытяглють.

Крадетъ панъ которіи слuze мыта заслужоного не платитъ.

Крадетъ слуга, если господину своему не потому якобы мѣло быти служить.

Крадетъ кто на вряде седить, а слодей не караетъ яко богъ велѣлъ.

Коротко говорячи вси люди сему слову пре(д) богомъ долъжни, которіе кажному што чие есть не о(т)дають або своего потребному не удѣляють.

ПЫТАНЬЕ.

Которіе суть добріе дѣла того слова?

О(Т)КАЗЪ.

Напервееи перестати на то(м) што богъ далъ. || По- 91

томъ о(т)дати кажному што его есть. А третѣе доброе дѣло есть чинити мѣтину. Къ тому о(т) грошей ничего не брати.

ПЫТАНЬЕ.

Кому маеть быти давана мѣтина?

О(Т)КАЗЪ.

Въ обычаи собѣ здѣ у наши(х) краинахъ люди леные взяли, кто робити не хочеть у калѣки идеть, хотяжь будеть и здоровъ и моло(д), и тако з милостины живеть. Но не добръ есть таковъ обычаи, и мѣли бы преложоные таковы(х) людеи уняти, абы имъ не было волю калѣковати, або правду рекъши, зводити, и по(д) покрово(м) у божества красти. И е(ст) того великие причины, для котори(х) маеть имъ урядъ того боронити. Наперѣеи ижь богъ всемъ здоровымъ людемъ робити || велѣлъ, и о(т) працы своее выховатися. Яко къ Адаму самъ повелѣлъ, В потѣ лица твоего снѣси хлѣбъ свои. Аплъ опять рече, Аще кто не хочеть дѣлати да не ясть. Другая причина есть. Бо людъ простыи только тымъ мѣтину даеть, котории могуть бегати, а заты(м) правдивые калѣки голо(д) терпятъ. Прото мовлю на урядъ належить, абы таковымъ здоровымъ калекамъ заборонно было мѣтины и просити и брати. А ижьбы ихъ къ работе приставляно.

Бытя ꙗ.

За(ч): сон.

Абы пре(д) правыми калѣками не крали мл̄тины, а сами бы тежъ свои хлѣбъ ели.

Мл̄тина пакъ маеть быти давана, наперъвеи гдѣ суть діакони до диаконовъ. Бо и(х) урядъ есть, не кадити, ани што иного чинити, але только мл̄тину събѣрати, а || убоги(х) стеречи, абы якое нужи не терпели. О чо(м) в̄ дѣаніа(х) Апостол̄ски(х) достатоѣне выписано. Маюѣтѣ же з мл̄тины и учителя жити, яко Хс̄ рече, До(ст)инь е(ст) дѣлатель мьз(д)ы своея. Потомужь и Ап(с)тль све(д)читъ яко г̄б̄ повеле проповѣдающимъ бг̄овестіе о(т) бл̄гов(с)тіа жити. А на иномъ мѣсте пишеть, Да удѣляет же учаися словеси учащому и о(т) всего добра. Теже мл̄тина маеть быти давана всѣмъ убогимъ старимъ, немощны(м), молодымъ недужимъ, сирота(м), вдовамъ старимъ, и онымъ которихъ богъ скараеть або огнемъ, або воиною, або иною шкодою. Яко о Іовѣ написано, иже и друзи его по оныхъ шкода(х) и многы(х) страстьа(х), даровали по грошу, або яко неціи превели, по овцы и по златои с[e]разе. ||

Мат: За(ч): лѣ.

За(ч): рмв.

За(ч): сд̄.

Іовъ мв.

92

92v

ПЫТАНЬЕ.

Годить ли ся Церквамъ мѣти именіа, або доходы?

О(Т)КАЗЪ.

Церковъ для тре(х) причинъ маеть держати або приходы, або именья. Перъвая причина, абы служители мѣли

выхованье. Другая причина, абы училища или школы быти могли, Бо наставнико(м) плати[ти] потреба, а часо(м) и учейнико(м) убогимъ докладати церковъ мусить. Третья причина, аби нищимъ было выхованье. Тыхъ причинъ дѣля потреба абы были церковныя наданья не рушоны. А не только не мають быти нарушены, але естлибы гдѣ таковыхъ доходовъ мало, повинни Князи и иньи господари опатрити, абы доволно было. Бо Ісаіа
93 пишеть, яко Цари мають быти ц[е]рквамъ || доителе, а княгыне крѣмителе. Даве(д)же таковыя данины або именья не мають быти у Еп(с)па или у Господаря въ рукахъ, но Діакони, на тое о(т) верныхъ избраніи, мають оныя завѣдати. То естъ, учителей, школы, и больницы выховати. На сие бо потребности исперва надавали блговерни Цари и Князи такова имениа.

ПЫТАНЬЕ.

Годить ли ся Хртіанину мѣти свое именье або маетность? Пишеть бо Лука въ дѣаніахъ, яко первіи Хртане общая вся имели.

О(Т)КАЗЪ.

Бж(с)твейныи Лука убо пишеть сие только о цркви
93v которая была въ Іерлїме, але о ины(х) церквахъ того не пишеть, абы Хртяне вси речи за общіе межи собою повинни мѣти. Даве(д)же и въ Іеросолимской церкви не

Дѣа: За(ч) в

узаконили того были Ап(с)тли, але з любви сее чинили, которіи на онъ ча(с) были хрїстіане, продавали именїа своя, и церну до Апль о(т)носили. Особливая то стго духа наука тогды была. Вѣдаючи бо дхъ стыи яко Іерлимъ Римляне розорити и спустошити мѣли, слушне оныхъ хртїанъ тому научилъ, абы пре(д) часо(м) именья своя продали, а потребамъ убогихъ пособили, Памятали бо на слово Хво которое на гра(д) Іер(с)лимскыи прорече, Прїидуть днїе на тя, и обложють врази твои острогъ о тобѣ, и обыдутъ тя, и обымуть тя в̄сюду, и развїють тя, и чада твоя [в] тобѣ, и не оставять камень на камени в̄ тобѣ. Тая была причина онымъ Хр(с)тяно(м) въ Іер(с)лиме, иже про|дали своя имена, и покладали до Апостоль, и вси речи мѣли за общая. Тепер̄ пакъ того не надобѣ, абы маетности свои Хртяне продавали, але надобѣ, абы другъ друга любилъ, а часу потребности ему не поцадилъ. Бо и за Апостоль, хрїстіане каждыи свое имеи¹⁹ держалъ, а с̄ него млтину на учителя и на убогие давалъ. Такова была Тавиѳа, Корнїлеи и прочїи. Прото и Ап(с)тль о богат(х) Тїмоѳею тако пишеть, Богатымъ в̄ нынешнемъ вѣце запрещаи не высоко м(д)роствовати, ниже уповати, на бг̄атество изгыбающее но на б̄га живаго подающего намъ все обилно.

Лук: За(ч): чз

За(ч): спѳ

94

¹⁹именѣ

Выгледѣ яко не рече Аплѣ, Богатымъ запрещаѣ не мѣти
бгѣтества, але не уповати на бгѣтества, а не высоко розу-
94v мѣти. Соломоно(м) || дхъ стѣи науку достаточъную
о томъ даеѣ сими словы, Да исходятъ ручаѣ твоѣ вонъ, и
на улицахъ воды твое дели, но источникъ воды твоея да
будетъ тобѣ самому. Велитъ здѣ ручаѣ о(т) источника
вонъ пушати, се естѣ, маетности свои(х) убогымъ удѣ-
ляти, але источникъ велитъ самому мѣти, Розумѣи яко
надобѣ при собѣ маетность ховати. Бо естлибы кто
заразъ все именье покинулъ или кому о(т)далъ, не будетъ
напотомъ мѣти о(т) кулебы млтѣину дати, и самъ муситъ
[у] [и]ныхъ хлѣба просити. Прото годитъся [хр(с)]тіанину
свою маетность мѣти, нижели потреба абы ся справе(д)-
ливе достала, а к тому абы таковыи млтѣину давалъ. Яко
Хс рече, суцаа дадите мл(с)тѣя, и се всѣ чи|ста вамъ
95 будетъ.

При(ч): е

Лук: За(ч). ̄

ПЫТАНЬЕ.

Што онымъ богъ обедалъ, которіи послушніи сего
осмого слова?

О(Т)КАЗЪ.

Которіи того слова послушни, То естѣ, которіи на
своихъ маетностяхъ переставаютъ, чужое речи не жа-
даютъ, а з маетностей свои(х) млтѣину даютъ, тымъ богъ

пало(м). лѣ

и здѣ достатокъ выхованья, и у другомъ животѣ спасеніе
обещуетъ. Наперѣи такови[м] [да]ють выхованье яко у
псалтыри написа[лъ] Давыдъ. Праведникъ милуетъ и
даеть. А мало нижеи, Младшій быхъ и се сътаре(х)ся
и не видеѣ правѣдника оставлена, ни семени его просяща
хлѣба. Весь днѣ милуетъ и взаемъ даеть праведныи, и ||
семя его въ бл(с)вении будетъ.

95v

Мат: За(ч). і

О таковыхъ самъ Хс рече, Блжніи млтивіи, яко тїи поми-
ловани будутъ. Таковымъ на суде самъ спаситель речеть,

Мат: За(ч): рѣ

Прїидите бл(с)вении о(т)ца моего наседуйте уготованое
вамъ цар(с)твіе, о(т) сложеніа миру. Възалка(х) бо ся
и дасте ми ясти въж(д)ада(х)ся и напоисте мя, сраненъ
бѣхъ и въведосте мене, нагъ и дѣясте мене, боленъ и
посетисте менѣ, въ темници бѣхъ и прїидосте къ мнѣ. и
прочаа. А мало нижеи, Понеже сътвористе единому о(т)
си(х) братїи моихъ менши(х), мнѣ сътвористе.

ПЫТАНЬЕ.

Яко бгъ оныхъ караетъ, которїи противу тому слову
чиняють?

О(Т)КАЗЪ. ||

Розные суть грѣхи противу тому слову яко вышшеи
речено, для того тѣже и каранья суть або бывають
розные.

96

Напер̀вѣи лакомы(х) людии караетъ богъ здѣ на земли
недоста̀тко(м) и нищетою. Тако бо Соломо̀н пишеть.
Мужь хотящїи скоро обогатитися и инымъ завидить не
знаеть яко на него прїидеть нищета. А мало пре(д) тымъ
рече, Кто поспешаетъ убогатитися не будетъ безъ вины.
Еще тои же рече, Кто зобижаетъ нищаго приспорити со-
бѣ имения, о(т)дасть пото(м) богатъшему а самъ обни-
щаетъ.

Притчи: к̄и

Притч: к̄с

Ясньные суть сие свѣдѣства яко богъ караетъ на симъ
свѣте, они же на сее осмое слово не памегують, але да-
леко горшеи на ономъ свѣте обещаь таковыхъ карати. ||
96v То есть, всѣх немл̄твѣхъ, которїи ближному часу потреби
не пособляють, тѣже татевъ, лихоимцовъ, обидников,
осудить богъ въ вѣчную муку. Яко у ст̄ом["] Евангелїю
написано, иже на ономъ страшно(м) суде речеть царь
сущїимъ о левицы его, Идите о(т) мене проклатїи въ
огнь вѣчныи уготованыи дїаволу аггломъ его, Възалкахъ
бо ся и не дасте ми ясти, въж(д)адахся и не напоисте
мене, странень бѣхъ, и не вѣвѣдосте мене, нагъ и не
одеясте мене, болень и в̄ темници и не посетисте мене.
А мало нижеи, Понеже не сътвористе единому о(т) си(х)
менши(х) мнѣ сътвористе, и идуь сїи в̄ муку вѣчную.

Мат: За(ч): р̄с

Потомужь Апл̄ пишеть. Не льститесь, ни лихоимци,
97 ни татие, ни пианици, || ни злолаици, ни хищници цр(с)т-

Притч: к̄а

віа божіа не наслѣдять.

Соломонъ о немл(ст)твы(х)²⁰ тако пишетъ, кто замыкаетъ ухо свое когда воіетъ ниціи тои са(м) вопияти будетъ и не услышитъся.

ПЫТАНЬЕ.

Говори девятое слово бжїихъ заповедей.

О(Т)КАЗЪ.

Девятое слово есть, не посвѣдчишь на своего ближнего свидѣства лживого?

ПЫТАНЬЕ.

Яко ся сее слово розумѣеть, Або чого по насъ бгъ хочеть у томъ словѣ?

О(Т)КАЗЪ.

Того по насъ богъ хочеть у томъ словѣ, абы есмо на всякъ часъ правду заховали, знали, говорили, и чинили, противу ближнему нашему.

97v

ПЫТАНЬЕ.

Которіе суть добріе дѣла того слова?

О(Т)КАЗЪ.

²⁰немл(с)твы(х) = немилостивыхъ

Наперѣи, о кажномъ у себѣ добре розумѣти, а на своей совѣсти уквалливѣ никого не осужати. Потомъ.

Пре(д) право(м) або пре(д) судом правду сознавати.
Умовы, приреченья, крейко держати.

Славу добрую о кажномъ пуцати.

Слова всѣхъ на добрую сторону выкладати.

ПЫТАНЬЕ.

Которие суть злые дѣла того слова?

О(Т)КАЗЪ.

Всякая неправда валчить на тое слово.

98 Наперѣи грѣхъ есть, або злое дѣло, противу сему слову у себѣ на своей совѣсти || ономъ злѣ разумѣти.

Грѣхъ есть предъ судомъ иначе нежели было сознавати. хотяжъ и на оца. або на иного сродника или племенника.

Грѣхъ есть приреченья. у годы, записы, присяги, и всякіе у мовы ламати <.>

Грѣхъ есть на славѣ доброй кого казити.

Грѣхъ есть чи слова ницовати, або что у добрыи обычей кто рече: на злый разумъ оборочати.

Грѣхъ есть невиннаго до права потягти.

Грѣхъ есть виннымъ будучи до права датися позывати.

Грѣхъ есть о несправедливую рѣчь у праве о(т) кого говорити.

Грѣхъ есть с' правды неправду. або з неправды правду, діалектикою, або риторикою, || у чинити.

98v

Грѣхъ есть ласкове ся кому словомъ обѣцовати, а на сердцы зло ему мыслити, або его не любити. Таковыхъ людей теперь есть много. И вся неправда грѣхъ есть противу тому девятому слову.

Вопросъ.

Ино не годится и пастыре(м) або у чѣтеле(м) грѣховъ обличати. бо и хр(с)тосъ рече: не судите да неосужени будете.

О(Т)Вѣтъ.

Сіе слова не стоятъ напротиву судіямъ пастыремъ родителемъ, и инымъ таковымъ особамъ, але толко възбраняють, абы другъ друга не сарамотилъ а не потворялъ. опричны(х) судовъ борони(т) г(с)дь, а не вядовыхъ, ани тыхъ которые з любви братер||ское походятъ. Бо на тоѣ обычаи самъ Хс судити або обличати велить. Яко в Маѣю написано. Аще съгрешитъ к тебѣ братъ твой, иди обличи его меж(д)у собою и темъ единымъ. Пророку теже самъ бѣ повелѣи людеи свои(х) грѣхи оповѣдати. Възоп<і>и рече, крепостію, и не пощади. Яко труба възнеси гла(с) свои, и възвѣсти людемъ моимъ грѣхы ихъ, и дому Іаковлю безаконіа ихъ. Есть бо

99

урядъ Пророческіи, Апостолскіи, и всѣхъ учителей, грѣхы людемъ указовати, абы о(т) нихъ бегали. Прото Кртель Хвъ Іоаннъ обличалъ Ирода, Пророци, лже пророки, Хс самъ и его Апли и Стефанъ, обличали фарісеи и всѣхъ лицемерей. Але на томъ перестаньмо.

ПЫТАНЬЕ. ||

99^o Естли всякая ложъ грѣхъ, ино Авраамъ съгрешилъ коли прише(д)ши въ Египетъ не сказалъ абы Сарра жона его была, але ее сестрою своею звалъ? Тое жъ учинилъ коли гостилъ въ земли Герарской. Потомужъ учинилъ и Ісаакъ въ той же земли Герарской.

О(Т)КАЗЪ.

Иишаа речъ есть ложъ а иишаа потребное утаенъе. Ложъ бо есть, коли кто правду о(т)меняетъ въ неправду, хотячи тако ближному зло учинити, або ему ушкодити. Ктобы тако чинилъ, виней бы сему девятому слову. Лечъ стіи мусели по(д) ча(с) некои(х) дѣлъ таити, абы ты(м) обычаемъ горшимъ рѣчамъ вины не дали, Яко на взоръ маешь бабы Евреиские, которие пре(д) Царо(м) Египетскимъ на жоны Евреиские сложили, якобы оны || при роженю дѣтокъ бабъ не требовали. Не была то правда, але добрѣ бабы учинили, абы потому о(т) окрутного повеленья Царева волные были. Бо имъ былъ Царь

100

велѣлъ весь полъ мужескїи у Евреянокъ убивати. А ижъ оныя бабы у то(м) не съгрѣшили, свечить $\overline{дхъ}$ $\overline{стыи}$ Моисиомъ гдѣ тако пишеть ижъ для того учинилъ $\overline{бъ}$ добрѣ бабамъ тымъ. Потомужъ учинила Раавъ въ Ёрихоне, коли послалъ къ неи Царь Ёрихоньскїи, абы выдала выглядачевъ Ёсусъ Навиновы(х), скривши и(х), сказала ижъ вышли изъ города. Даве(д)же у то(м) не съгрѣшила, ани можетъ сее за ложъ почитати. понеже тое потревьне учинила, абы тако животь оны(х) шпеговъ оборонила. Тымъ же обычаемъ некая жона Ахимаасу и Енафану шпегомъ || Давыдовывъ учинила. За таивши бо и(х) у колодези, сказала слугамъ Авесоломовымъ ижъ пошли напившия мало воды. И ины(х) много есть таковы(х) взоровъ у $\overline{стомъ}$ писанию. Прото надобѣ розность знати mezi лжою, а потребнымъ утаенемъ. Ложъ не только есть утаенъе правды, але к тому причиненъе неправды къ шкоде или кривде невинного челоуѣка. Опять утаити чого для пожитку невинного, не есть ложъ ани грѣхъ, але есть милосердїе. Авраамъ не для того Саррю сестрою звалъ mezi чужи(х) людеи, абы имъ што злого мыслилъ, але абы только самъ безпеченъ о(т) нихъ былъ <.> Прото ани лгал у тои мѣре, ани грѣшилъ. Даве(д)же паметуи яко всякаа ложъ грѣхъ есть, еслибы не за великою потребою была. || яко похлебство, або коли кто безпотребне

100v

101

только або для звычайо, або для тощое славы, небы-
лые речы кажетъ. О(Т) такового збычая винойся члвекъ
гамовати. Хс бо рече, Буди слово ваше, еи, еи, ни, ни.
Лихое же сея о(т) непр іязни есть.

ПЫТАНЬЕ.

Караѣли богъ оныхъ которіи противу сему слову деся-
тому чинять?

О(Т)КАЗЪ.

Понеже самъ боѡ есть истинная правѡда, не можетъ лю-
бити лжи и всякое неправды. И того для, всѣхъ ложь
и неправду говорачи(х), обещають карати и караетъ по
вси часы. Яко написано, Погубиши всехъ гл҃ющихъ лжу.
Соломонъ тѣже рече, свѣдетель лживый не будетъ безъ-
помѣсты, и кто неправду || молвить не съкроется. И опять
101v той же пишетъ. Свѣдетель ложенъ погибнетъ. И маемъ
на взоръ Ананию и Самфїрю его жону, котори(х) бѡ на-
глоу смертїю лжи дѣля скараль.

ПЫТАНЬЕ.

Што онымъ будетъ, которіи тому слову послушни?

О(Т)КАЗЪ.

Великие заплаты обещуетъ богъ у словѣ своемъ, тымъ
которіи бы правду и знали и говорили. Яко наперѡеи

есть у псалмѣ дї написано, Гди кто обитаетъ в жилищи твоём, или кто вселится в горю стую твою. Входяи безъ порока, и дѣлая правду. Гляи истину въ сер(д)ци своём, иже не у лсти языком своимъ. И не сътвори искренѣму своему зла, и поношенїа не прїять на ближния своя. А мало нижеи рече, || Кленыся искрѣному своему и не о(т)метаяся. Творяи сия, не подвижется въ вѣки. Лейшия заплаты быти не могутъ. яко которїе здѣ дхъ стыйи обещуетъ. Наперѣви бо обещуетъ царствїе нбсное, а пото(м) добрую совѣсть. А на ино(м) мѣсте дхъ стыйи тако рече, Кто е(ст) члвекъ хотяи живота, любяи дние видѣти блага. Удержи языкъ твои о(т) зла, и устнѣ свои еже не глати лсти. Здѣ опять обещуетъ и животъ долгы и достатокъ къ выхованью оному кто бы языку своему воли не дал.

102

ПЫТАНЬЕ.

Говори дѣсятое слово божїи(х) заповедей.

О(Т)КАЗЪ.

Десятое слово есть, Не похочеша жоны ближнего своего, ини дому его, ини поля, || ини паробка, ини неволницы, ини вола, ини осла, ини чего што его есть.

102v

ПЫТАНЬЕ.

Чого по на(с) у томъ словѣ хотеть?

О(Т)КАЗЪ.

Хочеть абы(х)мо о его законе иначе розумели нежели о человѣчи(х) законѣхъ. Человѣчие бо уставы або законы, дѣло(м) только зла чинити забраняють, а того за справе(д)ливого поличають, ктобы оныя зверъху только чинилъ. Але законъ божии не только дѣломъ зла чинити заказуетъ, но того по кажномъ хотеть, абы ни сер(д)цомъ, ни помысломъ, ни хотеньемъ противу ему выстповалъ. А кто бы тому досыть чинилъ. То естъ, кто бы николи не похотѣлъ, того законъ божіи за невинного поличаетъ.||

103

ПЫТАНЬЕ.

Чи можетъ человѣк того довѣсти, абы не похотѣлъ, або не пожадалъ?

О(Т)КАЗЪ.

И сами по собѣ знати можемъ, и слово божіе свѣдчить, яко неможетъ никто тому досыть учинити, абы в нѣмъ похоти не было.

ПЫТАНЬЕ.

Естлибы того никто исполнити не моглъ, для чого жь богъ далъ сию заповѣдь?

О(Т)КАЗЪ.

Не только сее заповѣди, але и иныхъ всеѣ исполнити человекъ не можетъ. Бо каждая заповѣдь достаточного выполненья потребуеть и хочеть, яко вже мовили есмо, а человекъ утратилъ такову си||лу, ставшися по(д)данни грѣху. Яко и Ап(с)тль тую жь вину даетъ гдѣ рече. Законъ духовенъ есть, азъ же плотенъ. Прото не для того богъ далъ законъ, абы и человекъ выполнити могъ, але наболеи, абы позналъ и обачилъ недостатокъ свои. А обачивши, абы у собѣ не уповалъ, але бы гдѣ инде лѣкарства и спасенья искалъ. А для лепшого вырозуменья обачь а паметаи, ижъ троякїи есть пожитокъ закона.

103v

Первыи пожитокъ закона наказание, которого и добримъ и злымъ потреба, Хочеть бо богъ, абы злїи люди бѣли гамовани и карани. А добримъ потреба науки и наказанья, наболеи молоды(м) людемъ и простымъ.

Другии пожитокъ закона къ обличанью грѣховъ, и пристрашанью совѣсти. О чомъ || Аплъ пишетъ. Законо(м) познание грѣха. А на иномъ мѣсте, Законъ гнѣвъ съделаваетъ. Бо естлибы никакова закона не было, а по чомъ бы знати грѣхъ?

104

Третїи пожитокъ закона оправданымъ, абы вѣдали, которие дѣла чинити винни. Бо хотяжь слободни суть о(т) закона, абы ихъ не осужалъ, але о(т) того не волные абы

могли чинити штобы хотѣли. Прото \overline{Xc} поведѣлъ, Не
прїидо(х) разорити закона.

ПЫТАНЬЕ.

Што надобѣ при кажъномъ словѣ заповѣди божїи(х)
обачати?

О(Т)КАЗЪ.

Чотыри речи при кажъномъ словѣ потреба, обачати и
паметати. Перъвая речь, што намъ чинити велитъ и чого
104v боронитъ. Дру||гая речь, къ которому концу. Третяя
речь, естѣлибы есмо могли выполнѣти. Четверътая [я]ко
 $\overline{бъ}$ любить недостаточное выполнѣнье²¹. О перъвои²²
речи мѣли есмо при кажъномъ словѣ. О другои пакъ
маем вѣдати, ижъ кажъная заповѣдь к тому концу о(т)
гда бога естъ подана, абых(м)о ся его бояли, а што
онъ велѣлъ чинили. О третѣи речи маемъ вѣдати, яко
есмо теперъ розмавляли, то естъ, ижъ таковъ человекъ
не былъ на свѣте, ани естъ, ани будетъ, которїи бы
достаточне законъ выполнилъ, а не рекучи весь законъ,
але единому слову николи никто досыть не учинилъ.
Кроме только самого сына божїего, гда нашего $\overline{Ic Xa}$.
Тои законъ самъ исполнилъ. Четверътая речь, которую
105 маемъ ве||дѣти естъ, яко ся наше дѣла подабати богу

²¹выполнѣнье

²²перъвои

могутъ, понеже недостаточные. О то(м) тако розумѣти
маемъ, ижъ хотяжъ послушество наше, не есть доста-
точно, але ижъ мы вѣрою в сына божіею угодни бываемъ
богу, и ему ся подобаемъ, протѣ и наши дѣла любить
хотяжъ недостаточные, але ижъ особу богъ любить, и
дѣла любить. Опять если которого человекѣ не полю-
бить, тогда и дѣлъ его полюбити никакъ не можетъ.
Яко Ап(с)тль къ Евреомъ пишетъ, Безъ вѣры невозможно
угодити богу. А на ино(м) мѣсте рече, Все еже не е(ст)
о(т) вѣри грѣхъ есть.

КОНЕЦЪ.

Первое части катихисі.